





15.
CLEMENTI XI.


P. O. M.

SEMINARIUM ROMANUM

Ex Universa Doctrina

LITTERARIUM OBSEQUIUM:

D, D, D,



ROMÆ, MDCCII.

Excudebat Cajetanus Zenobius, in sua Typographia, & Fusoria,
ad Magnam Curiam INNOCENTIANAM.

SUPERIORUM FACULTATE.

[illegible]

CLEMENTI XI.³

P. O. M.

SEMINARIUM ROMANUM

FOELICITATEM;



Erius fortasse, **BEATISSIME**
PATER, quàm gratulationis
causa postulabat, ad Sanctissimos
Tuos Pedes nostra devolvuntur obsequia. Verùm
ex quo felicissimè regnas, in eo laboravimus; *ut*,
erumpere gestientem lætitiā intra domesticos pa-
rie-

4
rietes contineremus . Timor enim erat , ne , qua
constantia dignitatem recusaveras , eàdem gratu-
lantes Tibi de dignitate repelleres . Nunc verò ,
cum Tuæ id etiam debeamus Clementiæ , quòd
eidem dignitati placatus , regnare decreveris ; fines
profectò , ut gratulemur , Tibi quidem , quòd , an-
nuens Eligentium suffragiis , talem Pontificem de-
deris , nobis verò , quòd habeamus . Est hoc uni-
verso generi hominum commune gratulationis ar-
gumentum , quòd , ingentem expectationem de
Tua virtute conceptam impleveris statim , ac ma-
jora jam facere Ipse possis , quæ nesciunt alii animo
concipere , cū viderint maxima . Ad nos verò præter
cōmunis lætitiæ causas , ea peculiaris ac verè nostra
pertingit , quòd singulari benevolentiae significa-
tione in summa dignitate , ac tanta Imperii mole ,
non inter ultimas amoris Tui curas Seminarium
Romanum collocaveris . Extant hujus Tuæ in nos
voluntatis indicia , & monumenta permulta , ea-
que nobis carissima : ejus verò causam scrutantibus
non alia occurrit , quàm quòd adolescentes in hac
nostra ætate liberales disciplinas promovere patro-
cinio Tuo velis ad fœcunditatem . Fecerunt id qui-
dem Pontifices , ante Te multi : quibus gloriosum
erat præsidio esse Sapientiæ . Neminem tamen pro-
pensiore animo erga litteras fuisse , quàm Te unum
existimamus , & satis certè scimus . Persuasissimum
id omnibus est , cum omni Te Scientia tum Divina ,
tum humana , omni eruditione tum Græca , tum
Latina , omni denique optimarum Artium cogni-
tione , vel à prima ætate excultum , & ad hanc usque
universæ doctrinæ perfectissimam complexionem
profectum aspiciant . Quare non est mirum , si quas

5
maturas ut maximè artes in Te demiramur & colimus, eas Ipse in aliis licèt acerbis & immaturas singulari favoris & beneficentiæ umbra perducere studeas ad spem maturitatis. Et ipsæ quidem nostræ litteræ CLEMENTEM sensere Tuæ erga se voluntatis illapsam. Reflorescunt illæ sub Tuis auspiciis, certosque subindè fructus pollicentur, & ferent. Impatiens verò studium ergà Te nostrum facere non potuit, quin veluti futuræ fertilitatis rudimentum exhiberemus aliquando, quidquid à beneficentissimo Tui Syderis aspectu lucis ac splendoris accepimus. Propugnare non pauci, alii quidem Theologicas Theses, Polemicas alii, Canonicas alii & Civiles, alii Philosophicas. Et si quis est (sunt autem non sanè pauci) quem virtus aut studium ad Doctoratum evexit; non aliam ille fronti Laurum imposuit, quàm quæ sub Tui Nominis umbra adolevit. Id unum supererat, ut qui severioribus disciplinis honor contigerat, amenioribus etiam litteris quæreretur. Patieris igitur PONTIFEX MAXIME, ut Drama hoc allegoricum Tuo Nomini consecretur, & ut desumpsit à Tuis Oraculis argumentum, à Tuo etiam Patrocinio præsidium mutuetur. Patieris ut reliquæ etiam Musæ tibi inscribantur. Earum certè verecundia displicere non poterit. Cum enim optimè nossent, quantum Tuis Lâudibus indigneris, id solum peccare potuerunt, quòd eos Pontifices laudandos susceperint, quorum laudes Modestiae Tuæ suspectas faceret sola affinitas nominis. Sed dandum aliquid est obsequio nostro: dandum est etiam aliquid Clementiæ Tuæ, quæ cum major esse non possit, non modò aditum aperit ad Te accedentibus,

tibus , sed certam spem ingerit animis , non ingratum omnino Tibi fore Litterarium hoc nostræ gratulationis obsequium. Ideò qui jam antea in unum Convictum Studiorum gratià convenimus, inita nunc nova Societate Accademiæ Tuo nomine inscriptæ , eaque nobis veluti meta simul & stadio laborum proposita, id in posterum curabimus, ut magnum animis nostris ex Te accessisse stimulum ad Sapientiam omnes intelligant.

I M P R I M A T U R,

Si videbitur Reverendiss. P. Mag. Sac. Palatii Aposto-
lici.

Dominicus de Zaulis Episc. Verulan. Vicefg.



I M P R I M A T U R,

Fr. Paulinus Bernardinius Ord. Prædicat. Sac. Apost.
Pal. Magister.



ACTORUM NOMINA IN PROLOGO.



RELIGIO.

Marchio Stephanus de Mari.

ROMA.

Abbas Julius Vitelleschi.

RELIGIONIS GENIUS: *Joannes Baptista de Mari.*

ALCANDER.

*D. Ferrantes de Cardenas ex Marchionibus
de Laino.*

CHOREBUS.

Ludovicus Baldeschi.

BERILLUS.

Comes Fabius Carandini.




PROLOGUS

9

SCENA I.

Alcander, Berillus, Chorebus.

Beril.  UÆ, (malum!) ista cunctatio est? Nunquamne tandem inter nos de argumento Fabulæ Tragicæ conveniet?

Alcan. Magnum opus, mihi crede, illum laudare, quem omnes laudant, quem nemo satis laudat, quem nemo tamen laudari pro dignitate non cupit. Quidquid asferas, infra famam & expectationem est.

Chor. At saltem aliquid excogitandum, accersendum è veteribus monumentis, petendum è recenti memoria.

Alcan. Quid queris? Omnia excussi, omnia tentavi, nihil dignum Argumento reperi.

Beril. Nihil?

Alcan. Nihil omnino: tanquam in immenso laudum mari mergor.

At, at quis aures dulcis implevit sonus?

Lux unde tam clara emicat?

SCENA II.

Religio cum duobus Geniis Est. Nubibus insidens, Cælo delabitur.

Relig. **D** Ulces Alumni, cara Coelitibus domus
Flos Orbis, & Romæ decus,
Satis est prophanis hæcenus ludis datum:
Theatra me digna, & meo
HEROE, triplex quem colit mundus, volo.
Ea cura vos hodie vocat.

Alcan. Jubere tuus est, obsequi, noster labor.

Beril. Parere non lentos vides.

Relig. Nostras ad aures vestra jam dudum haud semel
Venere vota. Quæritis

Celebrare iustis laudibus Mundi CAPUT,

Sacrique PASTOREM gregis:

Doctore quo secura regnat veritas,

Quo Roma floret auspice:

Facunda cujus lingua mores instruit,

Et vita virtutem docet.

Nunc ille, vestra vota quem poscunt, locus,

Laudumque materies datur.

Animis adeste.

Alcan. Sis bona & felix tuis.

Quid esse nobis dulcius?

Quid esse possit justius? Tamen..... *Relig.* Quid est?

Quis subitus occurrit pavor?

Narrate. *Alcan.* Ne laudetur hoc unum cavet:

Unumque, nam scimus, vetat.

Relig.

- Relig.* Vetat? Vetare num potest? Laudabilis
Primum igitur esse desinat;
Moresque, virtutemque nativam exuat,
Se deinde laudari vetet.
Laudanda Virtus quin sit, hoc unum, omnia
Licet ipse possit, non potest.
- Chor.* Feret moleste, quicquid est laudis. *Relig.* Ferat;
Pars laudis hæc vel maxima.
Quemcumque laus delectat, hic laude excidit;
Vetat unus: Orbis at jubet:
Et Roma; & ipsa jubeo. Nec Judex suæ
Dominusque famæ est. Publici.
Quippe alma virtus juris est. Modestiam
Justitia vincat. Profuit
Adhibere vim. Cogendus & pridem fuit:
Qui debuit cogi, placet.
Illo carerem, si reluctanti foret
Mos gestus. *Chor.* At, quæso.... *Relig.* Metum
Omittite: ipsa vos dabo tutos. Mihi
Parere nam CLEMENS amat.
- Alcan.* Tamen imperanti mos gerendus, aut gravis
Subeunda noxa. *Relig.* Num reos
Levius, silendo, vos fore putatis? Scelus,
Tacere, longe maximum est.
Peccare quod si oportet, in partem hanc juvat
Peccare, qua sit cautior.
- Chor.* Igitur, docere, Diva, ne pigeat modum,
Operisque formam dicere.
- Relig.* Minister aulæ fidus hic nostræ, vices
Meas obibit, hic viam
Aperiet. Ille promet hoc Sacro è Penu
Oraculorum divite;
Quicquid Theatri dignitas vestri petit.

SCENA III.

Alexander, Rosillius, Chærophant, Genius.

Gen. **I**MPLETA SUNT VOTA GENTIUM, ORACULA PROPHETARUM. ÆTERNUS RERUM OMNIUM CREATOR ET DOMINUS SERVILEM FORMAM OBUMBRATA DIVINITATIS SUÆ MAJESTATE SUSCEPIT, UT QUOS SUB IMMANI PRISCÆ CONTAGIONIS JUGO DURA TENEBAT CAPTIVITAS, OPTATA DIU LIBERTATE DONARET.

Beril. Quid isthuc est? amabo.

Gen. AD PECCATORES MISERICORDIA, AD ÆGROS SALUS, AD ERRANTES VERITAS, AD CÆCOS LUX, AD MORTUOS VITA DESCENDIT.

Chor. Quid id est?

Alcan.

Alcan. Mera fundis Oracula.

Gen. GRANDE MYSTERIUM, GRANDE DIVINI AMORIS PORTENTUM, GRANDE RECONCILIATIONIS NOSTRÆ SACRAMENTUM.

Alcan. At, quæso, doce, quorsum ista tam sublimia, tam magnifica pertineant.

Gen. Quàm hæc divinitus sunt dicta! Quam Auctorem suum sapiunt! AD ERRANTES VERITAS, AD CÆCOS LUX, AD MORTUOS VITA DESCENDIT.

Beril. Certe Gregorios Magnos, Leones, Ambrosios audire videor.

Gen. Non Ambrosios auditis, non Leonem, aut Gregorium, sed eum, qui Ambrosios, Leones, Gregorios, munere officioque repræsentat, reddit eloquentia, moribus exprimit.

Chor. Nunc demum video, unde ista tam ægregia sumpta sint. Nec miror tam splendide, tam graviter, & sanctè dicta: Auctorem agnosco.

Beril. Et veneror. Sed quid consilii tibi est, aperi, quæso, ne retice.

Gen. Dicam. Videndum vobis est, quemadmodum hæc tam ægregia in Scenam inducatis.

Beril. In Scenam inducamus?

Gen. Non vos fugit illa vox, *Segnius irritant animos demissa per aures, quam quæ sunt oculis subiecta fidelibus*. Non sit satis hæc Oracula in Principis Urbium Confessu amplissimo pronunciata fuisse, consignata literis, in lucem edita, Orbi toti audita. Eadem ab omnibus, faciendum est, ut spectari possint.

Alcan. At hoc fieri quo tandem pacto potest?

Gen. Non est abeundum longius. Ipsa, quæ recitavi modo verba nonne vobis aliquid ostendunt, aprum Scenæ, Theatro natum? ÆTERNUS RERUM CREATOR, ET DOMINUS SERVILEM FORMAM INDUIT, UT QUOS DURA TENEBA CAPTIVITAS LIBERTATE DONARET. DESCENDIT AD PECCATORES MISERICORDIA, VITA AD MORTUOS. JUSTITIA DE CÆLO PROSPEXIT. Quid si fingeretis, nam fingendum aliquid in Scena, & licet.

Beril. Imò necesse est.

Gen. Fingite, inquam, Regis potentissimi Filium Servi formam induere, ut Reum libertate donet. Jam tres personas habebitis. Primam Regis, alteram ejus Filii, tertiam Servi. Rex iratus Servo perduelli eum carceri mancipabit: neci, si vultis, addicet. Princeps Regis Filius Rei & Servi locum sumet, eumque sic libertati, ac vitæ restituet.

Chor. Bellissime. Quid si Regi addantur duo Proceres, quasi consilii capiendi causa, duo Regni administri?

Gen. Perplacet. Ità illorum partes dividetis, ut alter Clementiæ quasi personam sustineat, alter Severitatis & Justitiæ: hic reum neci dedendum suadeat; ille venia donandum: hic justas infligi pœnas velit; ille contra remitti, & relaxari,

Chor. Sane plus habebit contentionis ista quasi dimicatio, plus ardoris.

Alcan. Et plus etiam voluptatis.

Gen. Reo isti adjungetis duos filios, quos paternum premet scelus, qui ad eandem pertrahentur cum parente reo poenam, qui eadem cum illo venia & libertate gaudeant?

Alcan. Nihil melius.

Gen. Habetis totum tragediæ pulcherrimæ ordinem.

Alcan. Quas enimvero tibi grates agemus pro tam insigni beneficio?

Gen. Defunctus sum meis partibus. Recedo. Videte ut Actores, & alia, quæ usus theatri postulat, comparetis. Favebo cæptis, artem, verba, sensus heroicos, numerosque suggeram.

Beril. Adesse, quæso, perge, ac laborantes in tantis temporis angustiis adjuva.

Gen. Adero. Favebo: neque temporis angustias formidate. Ad laudandum Clementem si miraculis opus est, non deerunt.

Alcan. Sequor: ut omnia duce te, atque auspice, componam: jam vos revisam, & quid effecerim, renunciabo.

SCENA IV.

Berillus, Chorebus.

Beril. **N**OS vero beatos Doctore tanto! Quò attentius argumentum hoc & consilium contemplor, eò mihi magis arridet.

Chor. Divinitus profecto datum.

Beril. Rex iste, Deum orbis moderatorem, ac primi sceleris in Homine reo vindicem justissimum exhibebit. Duo illi Proceres, alter Justitiæ Divinæ partes, alter Misericordiæ, obibunt. Perduellis Servus personam sustinebit Humani Generis.

Chor. Vel potius primi hominum Parentis, qui pater hominum & parricida, liberos, quos nondum genuerat, interfecit, & uno crimine ream progeniem damnavit.

Beril. Rectissimè. Illi duo Pueruli, specimen erunt miseræ posteritatis.

Chor. Imo beatæ, post impetratam veniam, & placatum Regem Filii sui deprecatione ac lacrymis.

Beril. Et morte.

Chor. An mori Principem hunc adolescentem, Regis unicum filium, in Scena facies?

Beril. Omnino mori: nam nisi Christi morte, quem ille Princeps adolescens exhibebit, repræsentari vita perditis hominibus non potuit. Audi, NATUS EST, UT DOCERET; MORTUUS EST, UT SANARET; RESURREXIT, UT GLORIFICARET. Vides singulas fabulæ tragicæ partes nobis à Pontifice Optimo Maximo subministratas. Nihil hodie de nostro fingimus, omnia sumimus ab illo, in quo Roma suum decus; Cælum Interpretem, Terra Doctorem, & oraculum habet.

Chor. Nefas tamen est in Scena mortem exhibere Principis. Nimis hoc tragicum, imo contra leges Theatri, quas observatas sanctè velim.

Beril. Quiesce: istimalo providebitur.

Chor. Sanè incommodum hoc si fugis, nihil, quàm totum istud, his partibus, quas modo diximus, informatum malim.

SCENA V.

Alcander, Berillus, Chorebus, & Roma.

Alcan. **F**AVETE linguis. Roma spectatrix ades,
 Oculosque, & aures commoda.
Rom. Adsum: vocata venio. Non isthæc vetus
 Roma, & profana criminum
 Parens, magistra erroris, & inani tumens
 Fallacis aura gloriæ:
 Angustus Orbis cui fuit; cujus sinum
 Oriens capacem, & Occidens
 Spoliatus, ac vastatus implevit. Nihil
 Est opibus è tantis super,
 Nisi nomen; & congesta moles rudерum;
 Urbis sepulchrum conditæ.
 Romam implet hodie Roma destructa, & truces
 Minæ Theatrorum; Arcuum
 Calcata pedibus pænè jam fastigia,
 Pulchrumque media in Urbe rus;
 Ærisque, marmorisque confusum chaos,
 Illustre, magnificum chaos!
 Statuæ, minores auribus, naso, pede,
 Bis mortuorum tristia
 Monumenta: tituli manibus & umbris dati:
 Ævoque detrita, ac situ
 Inscriptiones, quas vetustati eripit
 Obliviosæ diligens
 Critici sagacis cura, doctisque eruit
 Quondam legendas posteris:
 Et alia rapidi temporis ludibria,
 Heu fragilis annorum jocus!
 Hæc, Roma jam sunt. Fuimus. At, fallor, sumus;
 Majorque Roma jam sumus.
 Post tot ruinas altior furgo. Viget,
 Cæloque par tollit caput
 Sepulta toties Roma: de tumulo novam,
 Rediviva lucem colligo,
 Melioris ævi compos, & morum arbitra,
 Virtutis & veræ potens.
 Religio mihi plus, bella quam, & Martis labor,
 Petrusque, quam Cæsar, dedit.
 Qua Sol utrumque geminus Oceanum aspicit,
 Regno. Meas Afer, Japon,
 Brasiliusque, Chilenusque, leges accipit.
 Non turbam inanem Numinum,
 Deosque populo iudice creatos colo,
 Arisve scelera confecro.

- Sed sancta Divis Tempa, sed castas domos,
 Summoque sedes Numini
 Posuisse lætor : vera se pietas ubi,
 Deusque se totum explicat.
 Nec jam triumphos Cæsarum, & priscos Duces,
 Cantata jacto nomina :
 Sed Veritatis præsides, sed Numinis
 Vicarios, quorum Polus,
 Tellusque voces audiunt : quorum pedes
 Apex superbus Principum,
 Regumque lambit strata majestas humi,
 Testata præsentem Deum :
 Hos inter Unus eminet, Solio Petri
 Quem rara virtus intulit :
 Unus, priorum decora qui jure omnium
 Collecta, laudesque obtinet,
 Quo magna sum. Laudare vos illum juvat.
Chor. Faciemus. Et nos hæc modo
 Musasque nostras cura sollicitas habet :
 Vocata spectatrix ades.
Rom. Quid agitur autem ? Quæve laudum portio
 Celebranda jam vobis placet ?
 Celebrare cunctas nam simul nullæ queant
 Musæ, Theatra, Carmina.
 Nec ipsa, Mundum Roma quæ capio, queam
 Huic esse par oneri. Est opus
 Laudum ex acervo legere, quod vires ferant ;
 Quod tempus, & poscat locus.
Chor. Factum. Adfuere Cælites. Operis modus
 Et forma jam constat. *Rom.* Cedo.
Beril. CLEMENTIS inter decora, laus vobis placet
 Cælestis Eloquentiæ.
 Præclara magni Verba Pontificis damus,
 Quæ fama late distulit,
 Cum Vaticano plausibus jugo datis
 Echo allonaret æmula.
 Sed Verba quamvis aurea, volantes sonos ;
 Partusque linguæ præpetis,
 Velox feroci dissipat flatu Notus,
 Auræque inanes opprimunt.
 Quodcunque punctum temporis nata edidit ;
 Idem sepulta perdidit :
 Quin tota nequeunt vivere, & pars jam perit ;
 Dum parte vivunt altera.
Chor. Ergo ut recepta mentibus longum hæreant
 Aureſque ne prætervolent,
 Oculis fruenda tradimus : volucrem fugam
 Vocis Theatro sistimus :
 Et actione verba vestimus ! Sono

PROLOGUS.

15

Motumque vitamque addimus,
Quodcumque muto charta celavit sinu,
Hoc Scena vocalis dabit.
Nec sola magni Verba Pontificis dabit,
Mores at ipsos exprimet:
Justumque, Clementemque, ubique Maximum,
Pia exhibebit Fabula.

Rom. Maſti. Beatiſti: nec tamen veritos velim,
Quos veſtra conſuevit Domus
Obire ludos. Hic ſuus Marti locus
Erit, & palæſtræ nobili.
Nil ſit morarum: tibiis lætum increpent
Tubiſque juncta tympana.

FINIS PROLOGI.



ARTIS SALTATORIÆ SPECIMEN.

*Qui Romam triumphantis in morem
humeris invexerunt in Scenam,
ejuſdem Urbis inſignia quatuordecim præſerentes,
Chorem agunt,
& gentilitium PONTIFICIS Stemma vario corporis motu
depingunt.*

Joannes Nanti.
Philippus Inſaghi.
Joannes Petrus Formenti.
Joannes Altoviti.
Auguſtinus Lombardi.
Leonardus Tempi.
Auguſtinus Grimaldi.

Mauritius D'Aſte.
Laurentius Grimaldi.
Joannes Dominicus Lomellini.
Paſchalis Galeani.
Joannes Lucas Impetiali.
Hercules Oddi.
Nicolaus Capece.





THE ANDER
D R A M A
ALLEGORICUM



ARGUMENTUM DRAMATIS.



EX Pantocrator Protoplastum perduellem Subditum, conflata cum Hostibus in se, ac Filium, conjurationis reum neci addixerat. Hoc ubi audivit Theander Pantocratoris Filius, qui Protoplastum non secus ac Fratrem diligebat, cum alia ratione servare miserum non posset, ejus loco, clam Patre, moritur. Charitate Filii Rex percussus, Reum in gratiam, & pristinum dignitatis gradum restituit.

Actorum Nomina, & Personæ in Dramate.

PANTOCRATOR Rex,	<i>Marchio Stephanus de Mari.</i>
THEANDER Filius Pantocratoris.	<i>Abbas Pompeus Amadei.</i>
PROTOPLASTUS Reus,	<i>Angelus Granelli.</i>
ALEXIUS)	<i>Joannes Baptista de Mari.</i>
CARILUS) Filii Protoplasti,	<i>Comes Joannes Petrus Arrivabene.</i>
EUBULUS)	<i>D. Joannes Franciscus Cavaniglia</i>
) Regii Sanguinis	<i>ex Marchionibus S. Marci.</i>
DICASIMUS) Principes.	<i>Georgius Bosdari.</i>



ARGUMENTUM

ACTUS PRIMUS

D Et cetera Protoplasti conjuratione Rex ipsum unum cum liberis, ac tota stirpe perdere constituit. Eubulus Regem inflectere conatur ad clementiam. Instat contra Dicaeinus, & reum neci quam primum esse dedendum persuadet. Evocatus igitur cum liberis Protoplastus, exprobatum scelere, jubetur mori. Frustra deprecator accedit Regis filius Theander, frustra Patris expugnare severitatem nititur. Obire mortem amici loco statuit.

ACTUS I.

SCENA I.

Pantocrator, Dicaeinus, Eubulus.

Pant.



MPUNE perduellis in Solium inolet?
Sceptrumque parricida præripiat mihi,
Natoque? Donis ille cumulatus meis,
Evectus ad spem Regni, & adscitus domum;
Natique semper habitus, & amatus loco,
Rebellat in me, donaque oblitus mea,
Suimet ipse oblitus, in Domini caput
Intendit arma, nosque sceleratus petit.

Dicae. Alitum malum, gliscitque, nisi presens premit,
Et refecat ulcus poena. *Eub.* Nil equidem abnuo,
Meruit, fatetur ipse. *Dicae.* Quod meruit, luat.

Pant. Ego ille Regum domitor, & rerum arbiter,
Facinus rebellis impium servi feram?

Dicae. Quin tota pariter funditus pereat domus,
Radicitus succisa; nec solus cadat,
Ad posteros pertineat, & vivax premat
Scelus nepotes. *Eub.* Mitius miseros habe:
Regibus amari dulcius semper fuit.

Dicae. Semper timeri tutius Regi fuit.

Eub. Veniat amoris pristini in mentem. *Pant.* Venit.

Quò tendere ultra regius potuit favor?

Dicae. Quò tendere ultra Subditi potuit furor?

Pant. Satis est amor, plus satis reo datum est,

Amare nescit, timeat. Ex odio meum

Æstimet amorem, donaque ex poenis. *Dicae.* Amor

Movere quem non potuit, hunc poena obruat.

Eub. Nihilne precibus, genitor, & nato dabis?

Pant. Frustra roget Theander. *Dicae.* Imperii luem,
Hostem parentis, & suum, infelix amat!

Pant.

- Pant.* Amat? Et amare licuit infontem: reum
Odisse, jam religio, lex, pietas, jubent.
Eub. Vicaria illum morte servatum cupit
Tuus Theander. *Dicaf.* Facinus indignum! *Pant.* Preces
Istas omittat natus, ac merita nece
Plecti scelestum gaudeat mecum genus.
Eub. Natum rogantem respues? *Pant.* Nostros prius.
Quam natus isthuc pro reo affatus petat,
Eripere amicum vel neci tentet, ratum est
Ferire certo fulmine invisum caput.

S C E N A II.

Pantocrator, Eubulus, Dicafmus, Protoplastus, Alexius, Carilus.

- Pant.* **I** Nunc, superbe, sceptrum jam nostra obtine,
Patriæque linquens pulverem, & fordes casæ,
Regale nomen, ac locum tandem occupa.
Ingrate! Vecors! Perfide! hoc de te mihi
Sperare licuit? Opibus & honore auxeram,
Primoribus, natoque reddideram parem,
Mihique. Dona sic mea oblitus, vicem
Istam rependis? Trahite confestim hinc procul,
Perimite: lacerum canibus oscenis date
Prædam cadaver. Stirpis at sobolem impiæ,
Natos, nepotes, publicè exustos, volo
Leves in auras, cinere disperso, rapi.
Prot. Agnosco: merui. *Pant.* Denique agnoscis? Parum est;
Agnoscet ætas omnis. *Dicaf.* Exemplis juvat
Firmare magnis sceptrum, ne quisquam audeat
In posterum insauire. *Prot.* Per natum obsecro.
Pant. Quem prodidisti. *Prot.* Per tuam hanc dexteram, pater;
Si fas vocare. *Pant.* Judicem potius voca,
Pater esse desii. *Prot.* Judicem appello, reum
Sisto fatentem. *Eub.* Parce supplicibus. *Prot.* Piget
Sceleris, pudetque. *Pant.* Jam nihil precibus loci est
Venixque. Dixi. Nulla sit jussis mora.
Alex. At tu parenti parce Rex. *Eub.* natos vides
Miseri parentis. *Caril.* Perde, si libitum est, nece
Perure, geminum offerimus in pœnas caput
Pro patris uno capite. *Pant.* Nec geminum caput
Satis litabit scelere pro vestro, procul
Hinc perduelles ite. *Alex.* Sic vivat tuus
Diù superstes natus. *Pant.* Et vobis, diù,
Vestroque genere, vivat, extincto. *Eub.* Tamen
Quid hic peractum est sceleris? *Dicaf.* In natos scelus
Recidit parentis. *Eub.* Istam in ætatem scelus
Nondum cadit. *Pant.* Parente scelerato satis
Sit esse genitos. *Eub.* Sit satis patri suum
Scelus, vacare liberos culpa jube.

Alex. At esse miseros, esse sceleratos jube,
 Modo sit superstes genitor. *Caril.* Hunc nostra frui
 Poena, rogamus, patere. Per si quid sacrum,
 Per si qua pietas. *Alex.* Genitor ad genua accide.
'Prot. Rogo, parce natis. *Pant.* Quos tuum damnat scelus.
Frot. Quos tenera pueros sceleris, & noxæ integros,
 Persuadet ætas. *Pant.* Quos reum damnat genus,
 Patrique jungit. Fugite conspectum: lumen
 Radice ab ima jubeo funestam erui
 Quis hic? *Dicaf.* Theander.

S C E N A III.

Theander, & alii.

Thean. GENITOR. *Pant.* Ah video! foves
 Sceleratum, & hostem diligis.
Thean. Amicum. *Pant.* Hunc amas?
Thean. Quem, Pater, amasti: filium tute hunc tibi,
 Hunc esse fratrem tute voluisti mihi.
Pant. Tunc nempe, sceleris purus, & noxæ integer
 Cum fuit, amavi; nec piget. Quid jam in reo
 Potest placere? *Thean.* Quod reus, quodque est miser.
Eub. Favere miseris regium semper fuit.
Dicaf. Odisse iniquos regium semper fuit.
Thean. Quin ipse miseros diligis, nec te patrem
 Unquam vocari, si quis appellat, vetas.
Pant. Pater esse miseris non nego, ingratis nego,
 Nego sceleratis. Judicem infensum sibi,
 Suique justum sceleris ultorem sciant.
Thean. Etiamne fratrem indigna patientem feram?
Pant. Indigna? *Thean.* Digna fateor. & scelere, & reo,
 Indigna sed te, Genitor, Est Clementia
 Laus prima Regum. *Alex.* Scelere num victa unico
 Poenas reposcet, pristinum & morem exuet?
Pant. Justitia regum prima laus semper fuit.
Thean. Tibi perire filium, fratrem mihi
 Perire, videam lentus? *Pant.* Est reus. *Thean.* Est tuus.
Pant. Meus ille? *Thean.* Quem voluntas atque adoptio
 Dedit. *Pant.* Immerentem. *Thean.* Natus ut Regis foret
 Nihil ipse meruit, fateor: ast ex quo tuus
 Incæpit esse, meruit, & amari, & coli.
Pant. Ingratus ex quo cæpit esse atque impius,
 Meus esse desiit, meruit & plekti. Ratum est,
 Merita scelestum morte dependet nefas.
Thean. Ratumne, genitor? *Pant.* Est ratum. *Thean.* Clementiæ
 Loci nihil veniæque, nil precibus loci est?
Pant. Nihil. Recede. *Thean.* Per patris nomen rogo,
 Per dexteram hanc, permitte. *Caril.* Narum respues?
Alex. Nihil obtinebit natus? *Pant.* O' felix reus,

Cui deprecator tantus obvénit! Tamen
 Quo rapior? Actum est: dicta jam sententia:
 Non muto factum. *Dicaf.* Quod probe expensa semel
 Statuere causa placuit, infringi est nefas.

Eub. Injusta nunquam causa parcendi fuit.

Dicaf. Est puniendi iusta. *Eub.* Cum natus rogat,
 Audire justum est. *Caril.* Natus extinguat faces
 Regalis iræ. *Pant.* Solus extinguet cruor:
 Facesse pietas. *Dicaf.* Crede nec pietas ea est,
 Quæ legibus non servit, & crimen fouet,
 Nato, tibi, crudelis. *Eub.* Et Regi, & Patri,
 Honeſta. *Dicaf.* Populo pariter & regi, & patri,
 Damnoſa. *Eub.* Regno pariter, & regi utilis.

Dicaf. Indignus est, cui crimen ignoscas, reus.

Eub. Dignus Theander, cui Pater amici scelus
 Condonet ultro. Sic Patrem vinci decet.

Caril. Reo negas: concede nato. *Alex.* Da Pater,
 Quod merito Judex abnuis. *Pant.* Nati & Patris
 Hic una causa est. Rex, Pater, Natus, reum
 Simul repossunt ad necem. Nil sit moræ,
 Absiste, filii. *Thean.* Quid jubes genitor? *Pant.* Volo
 Crimen piari sanguine. *Thean.* Pietur meo.

Pant. Sanguine nocentis. *Thean.* Innocentis: hunc dabo
 Qui labe nulla fluxit imbutus; cape,
 Totum ecce fundo, genitor. *Pant.* Incassum preces
 Lacrymasque fundis, dedite scelestos neci.

S C E N A IV.

Theander solus.

AGE, huc, amor; neglectus, infelix, amor,
 Ingenium, & artes admove. Sed quas? Preces
 Lacrymasque frustra dedimus: affusi pedes
 Preſavimus, tentata, consumpta omnia:
 Nihil est amori, & gratiæ, nato nihil
 Datum est: severus filium abjecit pater
 Fruſtra precantem. Forte morientem audiet;
 Moriamur. Euge. Nil nisi felix dolus,
 Vicariam nil præter est mortem super.
 Aude anime, perge, aggredere, quod longe sequens
 Miretur ætas: quod parens factum probet,
 Quod doleat idem, ac laudet. Hic regni, & tuum
 Decus, hic parentis vertitur. Sic subditos
 Et Regna Patri, sic tibi fratrem, & reum
 Miserumque ſervas. Ite degeneres metus,
 Valetate ſceptra, quidquid in vita fuit.
 Aut eſſe dulce poruit, æternum vale.
 Carcer, catena, vis veneni frigida,
 Et quidquid atrox, triſte, funeſtum, objicit

Mors, dulce amanti est. Pascitur duris Amor,
 Periculis accrescit, & media in nece,
 Victor triumphat; nec satis amico datum
 Putat esse, si profundat aut famam, aut opes,
 Lacrymasque: vitam, sanguinem, & sese nisi
 Totum profundat: seque sic vita, & nece,
 Tumuloque fortiorem, & invictum, probet.

FINIS ACTUS PRIMI.



GLADIATURÆ SPECIMEN.

*Dum umbratili Monomachia duo Juvenes digladiantur,
 aliis aliisque in utriusque subsidium succedentibus,
 ludicrum omnes miscet certamen,
 quod tandem ense permagno dirimit præstantissimus Gladiator.*

Carolus Gesualdi.

Joannes Nanti,

Nicolaus Capece.

Augustinus Lombardi.

Hercules Oddi.

Carolus Imperiali.

Joannes Lucas Imperiali.

Laurentius Imperiali.

Petrus Paulus Carrara.

Leonardus Tempi.

Julius A Vulpe.



ARGUMENTUM


ACTUS SECUNDI.

DAnnatus cum filiis. Protoplastus, illorum ac suam lugebat vicem : cum adest subito Theander : fingit placatum à se Regem, veniam reo donatam. Catenas Protoplasto detrahitis, cumque domum ablegat, ubi squallorem deponat ac vincula, statim rediturus ad agendas Regi gratias; ipse interim amici catenas induit, abdit se in carcerem ejus loco, & venenum ab infcio liſtore in tenebris propinatum ebibit.

A C T U S II.

SCENA I.

Protoplastus, Alexius, Carilus.

Prot.  CTUM est, periiimus: nulla spes veniæ est super. Labes meorum, perditæ opprobrium domus, Ludibrium hostis; pereo: Quo cecidi miser!

Alto repente tractus in preceps gradu!

Utinam ipse caderem solus! Heu longos sequax

Premet nepotes pœna, & unius scelus

In immerentes recidet æternum reos.

Meruisse pœnam fateor: at, quid liberi

Meruere, quos (heu!) perdidisti, quos ad necem

Sceleris paterni causâ communis rapit,

Et origo miseros damnat infausta. Omnium

Sum crimen unus. Si quis at veniam tamen,

Regisque rursus gratiam infensi daret!

Scelere ut solutus morerer! O nati! Oscula

Suprema libem, finite. Postremum hoc erit

Quod vos videbo: triste documentum pater

Vobis ero, peccare ne libeat. *Alex.* Pater.

Caril. Genitor. *Prot.* Valet. Fata meliora apprecor:

Vobis Theander aderit, & periculi

Quicquid minatur regis offensi furor,

Amolietur. Ipse dependam scelus,

Namque omne nostrum est: magna pars pœnæ tamen

In vos recumbet. Vivite: hoc unum est super

Miseris: iniqua fata, sceleratus parens,

Reliqua abstulerunt omnia. *Alex.* Hoc potius pater,

Rogamus unum & querimus, tecum ut mori

Tecumque pleſti liceat. *Caril.* Ah! Patrem sequi

Liceat. *Prot.* Manete: vivet in natis parens;

Meliorque, spero, vivet. *Caril.* Abs te, mi Pater,

Vis

Vis nulla nos revellet. In lucro est mori.

- Alex.* Hæc summa voti est: sceleris ejusdem reos,
Ut jungat eadem pœna. *Caril.* Cum Patre emori
Dulce ac decorum est. Unus hic urit dolor,
Tuam subire quod vicem nequeo, Pater.
- Alex.* Caput parentis capite quin possum meo
Redimere? Quin te mille per mortes licet
Servare, genitor? Moreris? *Prot.* Ah nate! *Caril.* Obsecro,
Venire pœnæ liceat in partem, ac necis.
- Alex.* Vt te perempto vivam? *Caril.* Ut avellar sinu
Cari parentis? Non feram. *Prot.* Hanc, oro, indolem
Servate superi: detonet vester furor
Caput hoc in unum. *Alexi!* Mi *Carile!* *Alex.* Ah! Pater,

S C E N A II.

Theander, Protoplastus, Alexius, Carilus.

- Prot.* **M**Orimur, Theander, morimur. Hoc unum dolet,
Quod regis hostis, quod tuus dicar. *Thean.* Voca
Fratrem, atque amicum. *Prot.* Perditum appella, impium,
Et perduellem: fuerit hoc misero satis,
Si te meo cruore, si Regem mihi
Placatum habere mereor. *Thean.* Age, regis furor
Tandem refedit. *Prot.* Victimam ad mortem vocas,
Hæc una Regis ratio placandi. *Thean.* Voco
Ad vitam. *Prot.* At, oro, parce misero illudere,
Non ista volui, nec mori timidum vides.
- Thean.* Amice, Frater, quidquid arcani latet,
Juvat aperire. Vive jam felix, Patrem
Vicimus. Atrox justitia, & indocilis rigor
Clementiæ concessit, en te filio
Donavit. Agedum, vincla confectum exue.
- Prot.* Ludisne amantem, Frater? *Thean.* Ægre istud quidem
Extorsimus: pugnandum, & instandum fuit,
Lacrymas, preces, parentis alnum, & filii,
Ut arma certa, nomen admovi, dedit
Victas manus, reumque jam solvi jubet
- Prot.* Vigilone! Mentem somnus an dulcis tenet?
- Thean.* Quin, & catenas, carcerem, & quas hæcenus
Pœnas luiti, quasque te meritum annuis,
- Prot.* Graviora merui, fateor. *Thean.* In medium attuli:
Miserum esse juvit, juvit esse perditum,
Ut ne perires, dignus ut lacrymis fores
Veniaque. *Prot.* Si servandus hoc fueram modo,
Sic, sic juvat periisse, jamque adeo prope est
Ut esse felix culpa dicatur, tuo
Redempta tanto amore. *Alex.* Ut advoluar sine
Genibus, Theander, *Caril.* Istam ut amplectar manum!
- Thean.* Nondum, catenas exuis? *Alex.* Dum res calet,

Iraſque regis animus oblitus graves
 Paulum acquieſcit, rumpere actutum moras
 Juvat, ac recentis gratiam veniæ ratam
 Firmamque facere. *Thean.* Nequid occurrat mali;
 Mentemque genitor mutet: hos habitus ſtatim,
 Et luſtuoſæ ſortis, ac noxæ notas,
 Et vincla, & iſtum, quo jaces dudum obſitus,
 Cum vinculis deponere ſqualorem, domum
 Excurre noſtram, cultum ut hic alium induas:
 Perges in aulam poſtea, & Regi accides
 Ad genua ſupplex; debitas veniæ memor
 Datæ rependes gratias. *Prot.* At quas tibi
 Solvam Theander? *Thean.* Pignus hunc noſtræ cape
 Fidei & amoris annulum: hunc Regi offeres,
 Agnoſcet ultro, nomen & noſtrum libens,
 Quod gemma præfert Indica notatum, leget.
Alex. O nos beatos, frater! *Caril.* O lapſam domum
 Sic reſtitutam! Vivis, ò Genitor. *Prot.* Tuum eſt
 Iſthuc Theander. Vivite huic in poſterum,
 Unumque, nati, colite. *Caril.* Sic vivam, ut tibi
 Uni, Theander, vivam. *Alex.* Ut uni ſerviam.
Thean. Servare miſeros eſt meum. *Caril.* Ah Frater! *Thean.* Moras
 Præcidite, iſthinc rapite feſtinum pedem.

S C E N A III.

Theander ſolus.

Dulces catenæ, dulce monumentum mei
 Amoris: ut vos induo ac ſtringo libens,
 Simulque amici crimen ac ſortem induo!
 Sed perge, Amor: pars laudis hæc noſtræ quota eſt,
 Rapuiſſe amico vincla! Nunc illi aſſere
 Moriendo vitam. Vinculis noſtram adice,
 Ut venia miſero certior conſtet, necem:
 Hoc reſtat unum. Morimur, ò Genitor: pius
 Amor volentem filium huc adigit: litet
 Tuo furori viſtima hæc melior. Cape
 O Frater, animi pignus hoc noſtri; meum eſt
 Quod vivis, unum poſtulo, ut noſtri memor,
 Amantique vivas. Genitor, indulge reo.
 (IGNOSCE GENITOR, NATUS HOC MORIENS ROGAT.
Hæc ad (TIBI SIT ILLE FILII DEINCEPS LOCO,
Patrem (SI NOS AMASTI, MORTE SIT NOSTRA INNOCENS,
ſcribit. (MEOQUE VITAM FUNERI ACCEPTAM FERAT.
 At vos nepotes ſcri, & ætas ultima,
 Audite, Servum Filius Regis, Reum
 Inſons, Amicum Amicus ut ſervet, perit.

FINIS ACTUS SECUNDI.

ARTIS

ARTIS MILITARIS SPECIMEN.

*Pacorum Agmen, quos sclopetis majoribus instructos Ductor recenset,
nunc simplicem, & extensam aciem, nullo sinu, nulla curvatura efficiendo,
nunc eodem ordine conservato illam duplicando, in cuneum nunc,
nunc in orbem mutando, & digressiones, reversiones, dispositiones,
aliaque id genus militaria exercitia eos edocendo.*

*Hi tandem in hostiles agros strictis ensibus excursuri,
ea arte Sclopos humi deponunt, ut ex iisdem
quatuor munitissima Arcis propugnacula delincentur:
Arcis autem in area variis Signifer vibrationibus
vexillum explicat, complicatque;
ac postremo Militum reliqui, alii quidem choreas ducunt,
alii Equum ligneum conscendunt,
seque magna corporis agilitate
circumagunt.*

MILITUM DUCTOR

Fabius Carandini.

MILITUM INSTRUCTOR

Michael Spinellus.

SIGNIFER

Joannes Dominicus Lomellini.

Jo: Petrus Arrivabene,
Nicolaus Mancinforte.
Oslavianus Justiniani.
Ludovicus Baldeschi.
Henricus Testaferrata.
Melchior Falfoni.
Michael Lecce.
Raphael Galeani.
Galvanus Landi.
Ambrosius Serra.
Carolus Serra.
Paulus de Bubalo.

Marcellus Gherardi.
Jo: Philippus Marucelli.
Carolus Albani.
Antonius Sormani.
Antonius Cauriani.
Operandinus Arrivabene.
Ferrantes de Cardenas.
Joseph Gama.
Joannes Gama.
Laetantius Laetanzi.
Joannes Baptista Bolognini.
Dionysius Toruzzi.

CHOREAM DUCUNT

Ludovicus Baldeschi, Melchior Falfoni.

EX EQUO LIGNEO LUDUNT

Hercules Oddi, Leonardus Tempi, Nicolaus Capece.

ARGUMENTUM

ACTUS TERTIUS

Gratulabatur sibi Pantocrator extincto, ut audierat, perire illi reo: cum ecce tibi coram adesse illum videt latum, ac mutato cultu. Accedebat nimirum, ut Regi gratias ageret, quem placatum Theander affirmaverat. Stupet Rex mirum in modum. At multò magis obstupescit, cum periisse ipsum Theandrum audit, ac necem pro amico subiisse. Ira, furore, odio, amore percitus Es iactatus diu, eò demum adducitur, ut in Theandri honorem Protoplasso, ejusque liberis ignoscat.

A C T U S III.

SCENA I.

Pantocrator, Dicaſimus.

Pant. **R**EUS imperatas num dedit pœnas? *Dicaſ.* Dedit.
Pant. Et nesciente filio? *Dicaſ.* Factum id reor.
Pant. Bene habet. Patronus ille ne nobis reum
 Subduceret, severa ne iussa, & manum
 In mitiorem flecteret partem, hæctenus
 Timuisse fateor. Scilicet miros habet
 Natura sensus! Tela jam fermè mihi,
 Extorserat, jam placidus, & clemens eram,
 Positoque genitor iudice ad veniam impio
 Dandum ferebar. Sic fit, evelli nequit
 Amor paternus. *Dicaſ.* Comprimi tamen is potest,
 Debetque, cum iustitia, cum leges jubent;

SCENA II.

Protoplasſus, Pantocrator, Dicaſimus.

Pant. **Q**uis ille! *Dicaſ.* Superi. *Prot.* Genibus advolvar sine.
Pant. Scelerate, vivis? *Prot.* Munus hoc, Princeps, tuum est.
Pant. Quis tibi catenas abstulit? *Prot.* Erater. *Pant.* Vides
 Quò nos Theander adigat. Unde autem nova
 Vestisque, & oris habitus; & formæ nitor?
 Reumne cultus-hic decet? *Prot.* Amicum decet,
 Ac restitutum gratiam in veterem. *Pant.* Vide
 Ut improbus laceſſit, ac nobis malè
 Insultat! Unde gratiam, & veniam tibi
 Tandem arrogasti? Quis tibi hanc spem, quis fidem
 Fecit? *Prot.* Theander. Ille mutatum, & suis
 Te mitigatum precibus asseruit: fidem
 Habui asserenti. Quòve dubitare minus;

Fidei, & amoris pignus hoc uobis dedit,
Hac ille credi tessera voluit sibi.

Pant. Hæc gemma nati est. Nempe non vanus mihi
Hoc animus augurabat. Infelix amor,
Tibi, mihiq; nate, funestus? Foves
Hostem parentis, ac tuum. *Dicaf.* Et amori nimis
Indulget, ac ne pergat, & fontem neci
Eripiat, aut vim forte maiorem paret,
Precibus repulsis, provide. *Pant.* Aspectum fuge,
Atrumque repete carcerem, pœnas statim
Meritas daturus: debitam, ut iussi, necem
Præsens venenum properet: ac factum id modo
Renunciabat liCTOR: unde isthuc moræ est?
Obstare si quis ausit, ac morti reum
Eripere tentet, capite, vel natus, luat.

S C E N A I I I.

Pantocrator, Dicafmus.

Dicaf. **S**I quid morarum, si quid est periculi,
Causa est Theander: Hic reum enixè cupit
Servare, & illum capite non dubitet suo,
Sic est amor, redimere. *Quin*, illud putat
Sibi decorum, pro reo, & misero mori.

Pant. Istud videndum, nequis aut furor, aut amor,
Abducat illum longius. *Dicaf.* Nunquam est satis
Provisum amorem contra. *Pant.* Et id rectè facit,
Dulce ac decorum cum sibi, ac nobis, putat
Servare miseros: Patre quod dignum est, sapit.
At sancta legum jura servari tamen,
Clementiæque decuit imponi modum.

Dicaf. Eubulus autem... *Pant.* Quo gradum celerem rapit?

S C E N A I V.

Eubulus, Pantocrator, Dicafmus.

Eub. **H**EU Rex! periit. *Pant.* Perire debuerat prius.

Eub. Natus... *Pant.* Precari desinat tandem: *Eub.* Periit.

Dicaf. Quid iste gemitus? *Pant.* Loquere: quis... *Eub.* Natus periit.

Pant. Perit Theander? *Eub.* Ipse semianimis jacet
Repertus ipso in carcere. *Pant.* Ah fili! Necem
Quis, nam intulit? Sibine violentas manus
Ipse attulit? *Eub.* Amor potius optanti attulit.
Modo Protoplasti sumperat vestem, & locum,
Noctem per atram dum reum liCTOR putat,
Et vim veneni frigidam ignatus jubet
Ebibere, lætus hausit, exanguis jacet.

Pant. Ah nate? Sic nos fallis, & sic hostem amas?

Eub. Reperta tantum est littera; ipsius manu
 Signata, scripta sanguine. *Pant.* Infelix Pater?
 IGNOSCE GENITOR, NATUS HOC MORIENS ROGAT.
 Vivat scelestus? Egone ut ignoscam? Necesse
 Per mille rapiam potius. *Eub.* Hoc natus rogat
 Unumque poscit. *Pant.* Filii ultorem vides.
 TIBI SIT ILLE FILII, GENITOR, LOCO,
 SI NOS AMASTI. Filii ut mihi sit loco
 Servus, rebellis, proditor? *Eub.* Natus rogat.
 Servo negas, rebellis, & ingrato negas,
 Da Filio, te natus, & moriens, rogat.

S C E N A V.

Protoplastus, Alexius, Carilus, Pantocrator, Dicastrus, Eubulus.

Pant. **T**EN parricida video? *Prot.* Tibi sisto reum,
 Princeps, fatentem. *Pant.* Quis satelles impium
 Haurit cruorem, mille quis diro necesse
 Capiti rependit? *Prot.* Crimen hoc non est meum,
 Sed amoris: in me confero totum tamen,
 Ultroque mortem deprecor: pœnas trahe
 Meritum per omnes, dira supplicia ingere.
Pant. Scelerate? *Prot.* Fateor sceleris. haud isthuc parum est,
 Quod sic amari potui; at hoc ipsum tamen,
 Et si quid ante sceleris admissum est, precor,
 Ignosce nato, si mihi, ut merui, negas
 Ignoscere: illud filius moriens petit.
Al. Car. Ignosce. *Prot.* Tum, si perditum me vis, seca,
 Distende; lacera, sanguis & nostrum rogamus
 Perfunde gnati, sic juvet amicum sequi.
Eub. Ignosce, *Pant.* Quò se, quò meus vertet dolor!
 Scire nequeo, gnatus hoc moriens vetat
 Reumque propria morte servari jubet.
 Ergo ille sic inultus evadet? Meo
 Dolore sic fruetur, & nati nece?

S C E N A VI.

Protoplastus, Alexius, Carilus, Eubulus.

Eub. **S**Perare jubeo. *Prot.* Moriar, hoc unum precor
 Speroque. Nostrum luere sic fas est scelus:
 Esse innocenti sic licet. *Eub.* Veniam annuet,
 Pacemque Princeps. *Prot.* Sic parentare optimis
 Manibus, amico sic litare, & gratiam
 Referre præstat: sanguinem, & vitam dedit,
 Vitam, & cruorem debeo. Ut moriar sine,
 Superque amici corpus incumbens cadam.
 Confossus alto vulnere: At frustra tenes.

Eub.

- Eub.* Quin vive amico potius. *Prot.* Ut vivam? *Caril.* Has vices
Unas Theander postulat. *Alex.* Vive, ah Pater!
Prot. Vivam scelestus? *Eub.* Si male perire obstinas,
Perierit ille frustra, & incassum necem
Vicariam Theander obtulerit patri.
Perire, modo tu viveres, tanti huic fuit.
Alex. Hoc, ille cur occideret, hoc unum fuit.
Regi advolutus, gratiam, & pacem roga.
Caril. Dicamus ecce properat.

S C E N A VII.

Dicafmus, Eubulus, Protoplastus, Alexius, Carilus.

- Dicaf.* **A**D sese evocat,
Jubetque Rex adesse. *Prot.* Placatus? *Dicaf.* Furor
Paulum remisit, filio vos, & scelus
Donare statuit, moxque restituet gradu
Primo repositos: credite. *Prot.* O miras vices?
O restitutam perditto generi tua
Vitam, Theander, morte! *Alex.* Lucem candidam!
Caril. O dulce nomen! *Alex.* O Theander! *Caril.* O amor!
Prot. Nati, per illum vivitis, at illi mori
Hoc restat unum deinde, & illi vivere.
Alex. Vivemus illi, genitor, & si quā viam
Fortuna felix aperit, ac dexter polus,
Moriemur illi. *Caril.* Tene sic nostra mori
Causa, Theander! *Prot.* Quam dedi vitam, volo
Reddatis illi. *Caril.* Quid, Pater, vitæ brevis
Usura profuisset; atro in carcere
Si fæda scelere vita perpetuos foret
Inter labores, mortis & diræ metum
Trahenda? *Alex.* Quid te, genitor, ò luce hac mihi
Carior, adempto, vita juvisset? Salus
Nunc parta nobis, parta libertas, Pater.
Demum ipse natis redditus, nati Patri.
Caril. O nos beatos, ò diem faustam! *Alex.* Lues
Sanata diri sceleris, infamis nota
Deterfa, pulsus hostis. *Prot.* Uni hæc omnia
Accepta, nati, fertis: *Caril.* Hic nostros sibi
Æternum amores vindicat. *Alex.* Servet sibi
Habeatque. Frater, quid tibi est animi? *Caril.* Hoc dolet
Superfitem quod ista me cernat dies,
Necdum Theandro moriar. *Eub.* At tu? *Dicaf.* Pristina
Omitto tandem jurgia, & tecum libens,
In gratiam redire me fateor: nefas,
Ubi mitigatus odia Rex posuit, meam
Ulterius iram pergere: anplexum cedo.
Vos ite Regi supplices, priscos metus
Exuite, certa est venia, merori, malis,
Belloque, pax, & longa succedet quies.

*Tragica jam Fabula peracta ;
Roma redit in Scenam ,
Præcuntibus , ut in Prologo , ejusdem Urbis quatuordecim Vexilliferis ,
qui præmia etiam deferunt ,
prestantissimis in Rhetorica , in Humanioribus litteris , & in Grammatica ,
Seminarii Romani Scholasticis
donanda .*

R O M A .

BE NE habet : abunde est : vota vicistis mea :
Virtute macti , & pergitæ .
Talibus alumnis Roma nil veteri nova
Concedat : & priscae nihil
Scenæ requirat decora , cum rosam , & crocum
Perambulant Fabulæ .
Spectator eruditus quod vobis diu
Silentium , & plausum dedit ;
Ille , ore tacito quem gerit præ se , favor
Hæc vestra sunt præmia .
Nunc alia nobis , quæ ferax Pindus tulit ,
Sunt dividenda præmia .
Doctarum habetis , en , coronas frontium
Parnassii spoliū jugi .
Has capite , vestra dividi actutum manu ,
Ut quisque prodibit , placet .
Quemcumque Musa potior , & meriti arbiter
Apollo , Victorem offeret ,
Hunc festa late tympana , & tubæ , & lyræ ,
Vocesque Victorem canant .
Illius ipsa nomen , & memori decus
Auroque , cedroque imprimam :
Jubebo fastis inferi : hoc dorso alite
Æterna Fama devehet :
Adamante puro sculpet Historia , & procul
In longa mittet sæcula .

*Qui in Arte Rhetorica cæteris præstiterunt , publicoque sunt præmio
donati in Seminarii Romani Theatro .*

*Primum præmium pro soluta numeris oratione consecutus est COLOMANUS
HAMERANI SEM. ROM. ALUMNUS .*

Secundum præmium AUGUSTINUS GRIMALDI .

Primum præmium pro vincula numeris oratione JOANNES A VERAZZANO

Secundum præmium JOSEPH DURAZZI .

Primum præmium pro conscribendis latinis Epistolis JACOBUS AIROLI :

*Secundum præmium pro conscribendis italicis Epistolis LAURENTIUS
BONZI .*

Qui in Humanioribus litteris præ ceteris ad eandem Præmiorum distributionem sunt appellati.

Ad primum præmium pro soluta numeris oratione JOANNES PETRUS ARRIVABENE.

Ad secundum præmium CAROLUS ALBANI.

Ad primum præmium pro vincula numeris oratione GEORGIUS BOSDARI.

Ad secundum præmium HIERONYMUS HERBA..

Ad præmium pro conscribendis Epistolis JOANNES PAULUS SEBASTIANI SEM. ROM. ALUMNUS.

Qui in suprema Grammaticæ Classe præmium sunt adepti,

Primum præmium pro soluta numeris oratione CAROLUS SERRA.

Secundum præmium OCTAVIANUS JUSTINIANI.

Primum præmium pro vincula numeris oratione CAROLUS PORRO.

Secundum præmium JOANNES GAMA.

Qui in secunda Grammaticæ Classe præmium obtinuerunt,

Primum præmium Comes CAROLUS ALBANUS.

Secundum præmium JOANNES PHILIPPUS MARUCELLI.

Tertium præmium PAULUS DE BUBALO.

Qui in infima Grammaticæ Classe præmium sibi compararunt.

Primum præmium sibi comparavit MICHAEL SPINELLI.

Secundum præmium sibi comparavit OPERANDINVS ARRIVABENE.

Unus ex Sic litterarum gloria, & vivax honor

Antiori- Floret. Jacent artes, nisi

bus. Stimulus amicæ laudis, & spes præmii

Blandum laborem mulceat.

Rom. Sic est. Abire rixa me cogit gravis:

Illam excitastis. Audiit

Quicumque doctis artifex studiis viget,

(Quæ multa viget hic natio)

Qui sacra superum jura, legesque explicat,

Et cælitum ritus docet;

Arcana qui naturæ, & ignotas pede

Rimatur incerto vias;

Qui ducit ora marmore in vivo, & rudis

Spirare saxo mortuos

Jubet; æra molli-rigida qui cælo polit;

Hos ardor omnes æmulus

Excivit: audivere quid vestrum modo

Strueret lyceum. Libera

Invasit animos omnium indignatio:

Laudare quem Phæbus potest

Laudare nobis, inquit, promptum est, neque
 Concedimus Phæbo : nihil
 Hic verba preterdonat, & inanes sonos,
 Scenæque fulgorem brevis.
 Nos opera, feri quæ nepotes prædicent,
 Ætasque miretur vetus,
 Quis parcit ævi livor indocilis, damus:
 Nec blanda nos merces movet,
 Et præmiorum certa spes animos rapit;
 Satis Beati Principis
 Ornavit artes, præmii satis dedit,
 Prolixa liberalitas:
 Huic nos referre gratiam, ut par est, juvat,
 Laudesque justas pendere:
 Nec solus ista laude Phæbus gaudeat,
 Reliquas & artes prægravet.
 Nos ista lex officii, & obsequii movet.
 Sic artium præstes cohors
 Vestri æmulata gloriam Pindi, fremit,
 Litemque vobis irrogat.
 Ibo, innocentis jurgii ut cito comprimam,
 Vel potius accendam, faces.
 Unus ex Neque nos pigebit, quamlibet pacem colant,
 Actoribus. Musæque rixas oderint,
 Ansam huc dedisse jurgio. Rom. Faxit polus
 Superique faciles annuant;
 Europa, sævi Martis ut tandem immemor
 Hæc bella duntaxat gerat.



*Hastatis securibus, ROMÆ in Scenam redeunt
 Viam sternunt*

Julius A Vulpe Nicolaus Capece.

Finem facit

C. H. O. R. E. A

Philippi Infaghi.

Joannis Baptiste De Mari.

Joannis Nanti.

Ludovici Baldeschi.



CLE-

CLEMENTI XI³⁵

P. O. M.

SEMINARII ROMANI RHETORES

FOELICITATEM.



LEMENTEM XI è Vaticanis ro-
stris dicentem ad Populum, exhibui-
mus, BEATISSIME PATER. Super-
est solum, ut post exhibita Romæ spectacula, augustum
aliquod Tibi, hoc est tanto par Principi, spectaculum
exhiberemus. Tuum igitur in conspectum damus Ro-
manos illos Pontifices, cum quibus communem habes
dignitatem & nomen: adderemus etiã virtutem, nisi
quod

quòd eo solum consilio Prædecessores Tuos laudibus exornandos suscepimus; ut, quamvis inviti, abstinere-
mus à Tuis: rati, gratissimum Tibi futurum silentium nostrum; quantum modestiæ Tuæ ingratum accidit Lau-
dantium murmur, & strepitus. Et quidem nostræ læten-
tes quodammodo, & teneræ musæ non ità faciliè conti-
neri potuerunt; ne laudum argumenta desumerent; un-
de patebat major laudandi materies, & copiosior virtu-
tum seges offerebatur. Vicit tamen obsequium erga Te
nostrum: vicit audaciam voti modestia Tua: evolutif-
que veterum Pontificum fastis, eorum gesta laudamus,
quos olim laudavit Antiquitas: Virtutes verò Tuas, à
quibus certam Europæ salutem, atque adeò Catholici
Orbis fœlicitatem præsens ætas expectat, aut tubis gran-
dioribus, aut, si semper averfaberis laudes, exornan-
das Posteris relinquemus. Et quoniam litterarium hoc
nostrum solum, & avitam nostri stemmatis Sylvam Pon-
tificia Tui Patrocinii umbra defendis, & Gentilitio Sy-
deris Tui influxu ad fertilitatem invitas; id unice ora-
mus: ut eà, qua cæteras artes, in Capitolio, quodammo-
do repullulantes, benignitate complexus es, eadem etiàm
in Seminarii nostri solum benevolentia Tuæ fontes af-
fluentèr adeò derives; ut Tuum BEATISSIME PATER
beneficium sit, nunc quidem, si studia nostra reflore-
scant: postea verò, si, perductis ad suam maturitatem
frugibus, tanti Principis culturæ respondeant.

CLEMENS I. P. M.

*Incolument Matri servat filium, qui undis supervenientibus in ipsas
Templo remanserat.*

E L E G I A.

GRANDIA Clementis surgebant Æquore in alto
 Angelicâ nuper condita manu.
 Una dies tantum hic votis conceditur, illâ
 Elapsa, reduces regrediuntur aquæ.
 Immista huc reliquis, magna & comitante caterva,
 Cum puero venit solvere vota Parens.
 Immemor at nati genitrix, vestigia tardum
 Sive sequi credat, testâ relicta petit.
 At puer in scopulo desertus arundine pisces
 Captat, consuetos instituitque jocos.
 Noctifer interea surgebat Vesper Olympo,
 Salsaque desertas occupat unda domos.
 Ut vidit vitreas in stagna liquefcere rupes,
 Seque puer mergi, jam superante freto;
 Hinc fugit, inde redit: subito modò territus hæret:
 Quærit & unde viam nulla retardet aqua.
 Auxilium vocat ille Patris, vocat ille Parentis:
 Sed tamen, auxilium qui dare possit, abest
 Quid miser hic faciat? Nullam sperare salutem
 Fas est: spes misero non erat ulla fugæ.
 Templâ ergo Matrem quærens deserta revisit:
 Sub mare sed refluxo templâ sepulta jacent.
 Interea Genitrix nati memor aspicit, ultro
 An veniat passu post brevior puer.
 Ast ubi mæsta suum redeuntem è littore natum
 Non videt, illa redit: sed negat unda viam.
 Unda etenim sacram fluctu submerferat ædem,
 Atque oculis olli nil nisi lympa patet.
 Extinctam ut credit prolem; diu flevit, & unda
 Cum rapida fletus miscuit illa suos.
 Totum Phæbus erat cursu dimensus olympum,
 Clementi sacrum reddideratque diem.
 Ad Templum Prolis Mater non immemor, ossa
 Ut saltem repararet luce ineunte redit.
 Jam Mare tranquillum placidis excesserat oris,
 Incolumem natum cum videt ista suum:
 Hicet accelerat gressus, bis terque repertum
 Amplecti tentat, terque repressa manus.
 Tene igitur, nate, aspicio, vel prolis imago
 Venisti culpas insimulare meas?
 Ergo! Sed ut veros vultus cognovit & ora;
 Te incolumem reddit quis mihi care puer?
 Ah nosco: incolumem mihi nunc te reddit ab undis

Clemens; Clementi debita vita tua est.
 At quoniam in nato Genitrix vivente revixit;
 Cum salva vivat jam tibi prole parens.

Jacobus Maria Ayroli Sem. Rom. Conv. & Rhetor. novus.

CLEMENS I. P. M.

*Cum Anchora collo illigata in Mare demergitur.
 Anchora in Corallium*

METAMORPHOSIS.

UNDE rubens primùm falsis provenit undis
 Arbor, & incultis pretiosa Corallia ramis
 Ditarint Scythicum, Nymphis mirantibus, æquor;
 Expediam. Tu Dive (tuo nam Numine, Clemens,
 Explicat obliquos pro dentibus Anchora ramos.)
 Huc ades: & nostris felix allabere cæptis.

Quà sese Euxina miscet Mæotis in unda,
 Cæruleos latè medio secat æquore fluctus
 Assurgens tellus, quam, ni brevis ambiat Isthmus,
 Insula parva foret. Clemens hic, Urbe relicta,
 Pulsus ob invidiam tacitos inglorius annos,
 Ingentes ultro jam dedignatus honores,
 Paupere vivebat tecto, exiliumque ferendo,
 Dulce sibi effecit, nec iniqua mente ferendum.
 At non, Romulea quamvis distaret ab Urbe,
 Et quamvis proprio distaret Pastor ovili,
 Divisus pecori est, curasque oblitus ovilis,
 Errantes etenim pecudes, sit quamlibet exul,
 Cogit, & invigilans proprium in præsepe reducit.
 Invidit Latiae Dominator barbarus Urbis,
 Utque gregem perdat, demersum perdere in undas
 Custodem jubet, & spes assurgentis ovilis.

Fortè sacro Indigenas lustrabat flumine Clemens,
 Et sacras leges, Fideique arcana docebat;
 Cum Licitor latii jussum crudele Tyranni
 Intonat, & certas sævus denunciât iras.
 Audit, & arridens forti, Licitoris in ulnas
 Se dat sponte sua, tandemque, ò funere acerbo
 Occumbam, dixit. Quæ Crux, quæ debita nostrum
 Dic age, poena fero lacerabit vulnere corpus?
 Hæc nostræ spes una fugæ, verumque malorum
 Solamen fuerit, miseros quod finiet annos.
 At vos, ò Socii, modò quos jam linquere fas est,
 Ite ite, & fortes per mille pericula vestras
 Objectate animas, sævæque occurrîte morti.
 Non mors illa dabit mortem: vos vita manebit

Alte

Altera, quam nulli poterint violare Tyranni.
 Talia dicebat, palmasque ad sydera supplex
 Tendere cum vellet, palmas post terga ligari
 Sensit, & ingenti curvari pondere collum.
 (Pondus erat flexo pendens gravis Anchora collo)
 Tunc fortunatum nimium nimiumque beatum
 Se Clemens læto ore vocat: furit improbus ira
 Miles, & æquoreas raptatum sævus ad oras
 In medias immergit aquas; ceu fulmen ab alto
 Ille ruit præceps, donec jam fixa profundo
 Anchora jactatum medias detraxit in undas.
 Nereus excepit corpus, tumulumque marinis
 Instravit Conchis, fulvoque intexuit auro.
 Illa diu gravitate sui detenta sub undis
 Hæserat: haud illam sævæ versare procellæ.
 Nec rigidæ potuere hyemes: radice moratur
 Firma solo, serpitque tenax per viscera terræ:
 Quæque prius curvos nectebat brachia ramos
 Anchora, nunc cespes pandit sua brachia ramos.
 Utque rubescebat multa rubigine ferrum,
 Nunc etiam retinet, quamvis mutata, ruborem.

Joannes à Verrazzano Sem. Rom. Conv. & Rhetor novus.

CLEMENTIS I. P. M.

Sub Daphnidis nomine mortem Damon deflet.

E G L O G A.

FORTE sub umbrosa confederat ilice Damon,
 Quæ rivus tremula surgebat vitreus unda:
 Hic postquam longo defunctum Daphnida luctu
 Deslevit Pastor; sic vocem in verba resolvit.
 Daphni decus nemorum: Pastorum gloria Daphni,
 Me tibi quis subitus Deus abstulit? Aspera nigro
 Turbine non aliter grando populatur aristas:
 Non aliter tepido lactens rosa carpitur Austro.
 Hoc fuerat, dum nostrâ suos tibi traderet agnos
 Insula, quod sicca prædixit ab ilice cornix.
 At tu sive datum dedignareris honorem:
 Seu tibi venturi mens esset præscia fati;
 Pascat oves, memini, dixisti, pascat Amyntas,
 Aut Linus, aut Cletus: lævi quorum alter avena
 Mulcet oves: alter teneros educere fætus
 Novit, & infestos prohibere ab ovilibus Urso.
 Sive Linus, seu Cletus, oves seu pascat Amyntas;
 Errabunt sylvis tuti cum matribus agni:
 Cumque hædis tutæ tondebunt prata capellæ.
 Et tamen in sylvis etiam sub Daphnide tutæ

Errastis, pecudes : etiam sub Daphnide tutæ
 Tondebant querulis cum fætibus arva capellæ.
 Non illis unquam virides nocuere colubri :
 Non lupus, aut plenis inimicus ovilibus Urfus.
 Quin etiam, arentes cum Sirius ureret agros,
 Et sylvis decssent frondes, & fontibus undæ;
 Reddebat frondes sylvis, & fontibus undas;
 Majorique dabat decurrere flumina rivo.

Tu mihi, qui querulo labens cum murmure, dulce
 Obstrepsis, & pura fugiens argenteus unda
 Vicinās sylvas, vicinaque gramina lustras,
 Rivule, testis ades: Tu marmor inutile quondam,
 Nec fueras nisi nuda filix: Inimica negabas
 Et pecori hospitium, & pecoris custodibus umbram:
 At postquam arbuteæ sensisti vulnera virgæ,
 Et tetigit te Daphnis; aquæ venere vocatæ
 Illicet, & jussis strepuit fons vitreus undis:
 Et jussu impuras absterfit fonte capellas.
 Quod si rursus aquas tibi Sirius auferat: & si
 Quas dedit ille tibi, lymphas siccaverit æstas;
 Unde tibi amissos reparabis fonte liquores?
 Daphnis abest: medio tumultatur in æquore corpus:
 Cui tumulum posuere Deæ Nereides: omnis
 Huc Pastor pia dona ferens properabit, & unda
 Decedente; sacro venerabitur ossa sepulcro.
 Parte tamen meliore sui super astra superstes,
 Nunc alias sylvas habitat, melioraque nostris
 Rura colit, vivitque alio sub sole beatus.
 Non æstum timet ille gregi, rigidosque Decembres:
 Non oculum metuit, teneros qui fascinet agnos.

Vos ò vos viduæ valles, fluviique loquaces,
 Aerei montes, atque hospita montibus Echo,
 Lugete æternum. Pastorum gloria Daphnis
 Occidit, & vestro periit cum Daphnide splendor.
 Ut vitis decori est ulmo sociata marito:
 Ut muscus fonti, vel pallida populus amni:
 Ut valli decori est, tremulo qui gurgite rivus.
 Lactentes tenerasque rigat crySTALLINUS herbas:
 Sic Daphnis decori sylvis fuit. Ærea falso
 Anchora sed postquam demersit Daphnida fluctu;
 Nec vitis decori est ulmo: nec populus amni:
 Nec fonti muscus: nec fons crySTALLINUS herbis.

Joannes à Verrazzano Sem. Rom Conv. & Rhetor novus.

CLEMENTIS I. P. M.

41

*Templum Martirii die, recedente Mari, adeuntibus
aperitur.*

EPIGRAMMA.

ANCHORA naufragium medio parit æquore CLEMENS,
Jactatas norat quæ retinere rates.
Sed tua dum veteres nunc exuit Anchora mores;
Miranti discit tradere jura mari.
Isacidum Pubes vidit pendere procellas,
Imperium virgæ cum maris unda tulit.
Anchora sed veteris vincens miracula virgæ;
Naufragio in medio sæpè recludit iter.

Laurentius Grimaldi Sem. Rom. Conv. & Rhetor novus

CLEMENS II. P. M.

Breve somnium, seu brevis Orbis felicitas.

PHALEUCIUM.

VIDIT sydereæ miserta ab ara
Obscœnum Pietas verenda virus
Infernis reducem diu catenis
Ejectare luem, nefanda sacro
Quæ figit pretium Dei cruori,
Et sanctum redimens avara munus,
Quod nescit pretium, locaret auro.
Vidit Teutonica nefas in aula
Plusquam polybapho rubere fūco,
Dum plusquam Getico Tyrannis ense
Atrox nobilius petebat ostrum,
Quarens dedecori decus sub ostro.
In dignos abiit repulsa questus
Et questus in opem fidelis armat.
Æternæ latebras corusca mentis
Longævas radio legit futuro,
Sed mens luctificum premebat Orbem.
At non perpetuo catena nexu
Luctus ter querulum gravabit Orbem,
Sit monstris aliquis modus cruentis,
Et fato redimat diu negatas
Pax horas acrior volente cœlo.
Mox vivat breve somniumque Mundus.
Vix hæc, luctifici secundus Orbis
Jussusque Imperium subire CLEMENS.
Olli Teutonicas diu per umbras

Visum errare nefas, gemensque miris
 Per noctem tenebras movere formis,
 Visus parte Polus tonare læva.
 Labes augurium Tonantis horret,
 Et præceps folio repulsa ab alto
 CEMENTI arbitrium sub orbe cessit.
 Nil hæsit, cupidi decusque Regni
 Henrico addidit in Troni decorem;
 Suos Relligio videt triumphos,
 Grataturque sibi, Polumque linquit,
 Authori ut meritas vices rependat.
 Et jam Romuleas tenebat arces;
 Nummatum media sub arce monstrum
 Venales adhibere sentit agros,
 Mitratosque lares, gemit, minasque
 Fœcundas quatiens superba pœnis,
 Detestatur opes in manu rebelles,
 Et Monstrum vacuos alens furorcs
 Victrix Tænariis coercet umbris.
 Partis impavidus sibi triumphis
 Devictisque Polo superbit Orbis
 Regnator famuli insulatus Hæros.
 Lætatur Pietas, satisque mundo
 CLEMENS consuluit tumultuoso,
 Æternæ validumque legis omen
 Negat Pace frui remotiori.
 CLEMENS eripitur, senescit Orbis;
 Unum de Luc somnium triumphat
 CLEMENS unica somniique origo.

Julius à Vulpe Sen. Rom. Conv. Et Rhetor Veteranus.

CLEMENTIS II. P. M. ELOGIUM.

Pontificio inauguratur imperio
 CLEMENS Secundus,
 Ut Primo Pontificatus anno
 Regnare definat.
 Novum fortunæ onomasticum,
 Imperium donat,
 Ut
 Imperio exuat,
 Patitur in Subditos Regnantis Imperium,
 Ut mortis sublit Monarchico.
 Ne quæras in CLEMENTE plusquam Pontificem,
 Dum Pontificem non vixit,
 Nempe Pontificis diuturnitatem.
 Orbi concessus in pœnam,

Ut

Ut acrius optaret extinctum.
 Sceleribus objectus
 In scelerum felicitatem;
 Violentius coercita
 Violentius haustrura gaudium
 Præterita calamitatum recordatione.
 Aliquid tamen morti debetur,
 Non eripuisse,
 Nisi sensisset
 Quid esset regnare;
 Nisi novisset, se addictum Orbi,
 Qui suo vireret sub Imperio,
 Suo sub dominio
 Juvenesceret in virtutem.
 Nisi dicendum velis,
 Abstinuisset à Privato,
 Ut magnificentior sæviret
 Felicitatum in cumulo.
 Novit Henricus,
 Cui Germanum à CLEMENTE oblatum Imperium,
 Quid impertiri posset maturus,
 Si Tiro largiretur Imperia.
 Conjuravit properata mors,
 Ambigens,
 Ne sibi nobilius usurparet Imperium,
 Vitæ scilicet,
 Et suum;
 Unde cogeretur à Perituro
 Pereundi expetere facultatem.
 Utrum famulata virtutes sint,
 Ne quæras.
 Habet Ostrum,
 Unde alliciat,
 Unde blandè cogeret
 Habebat CEMENS Secundus
 Secundus nemini;
 Extimuit Regnatorum labes,
 Quæ iners Christi Sanguinem emit,
 Quo venalis à Christi prohibenda aspectu.
 Trahit quasi in vinculis Agnum
 Quocumque pergit,
 Agnum in Cælo non sequutura,
 Quocumque jerit.
 Parvi pendit Christi Sanguinem,
 Si pretio subhastat prodiga,
 Et pretium demit
 Esse in pretio
 Medium.
 Quid agendum supererat,
 Nisi mori?

Ut

Ut, quod deponerat Imperium,
 Nobilius pararet in Cœlo?
 Diademate dignus
 Cujus effluebant è manibus
 Vel Diademata?
 Quid optaret moriturus,
 Nisi pretio potiri,
 Cui denegarat pretium?
 Quid expeteret viduus Orbis
 Nisi parem?
 Quem cum foenore optasset,
 Optione librata futurorum,
 Nisi CLEMENTEM UNDECIMUM?

Cômtes Julius à Vulpe Sem. Rom. Conv. & Rhetor Veteranus.

C L E M E N S III. P. M.

Christianis Principibus Hyerosolimitanam expeditionem suadet.

C A R M E N.

ERgone, Divino maduit quæ sanguine tellus:
 Quæ, Puero dignata Deo, dilecta Tonanti,
 Incedit Regina Orbis, Reginaque Cœli,
 Es terris major sibi plaudit, major & astris.
 Nunc Scythicis oppressa gemet per sæcla catenis,
 Et feret Odrysiæ signa insultantia Lunæ?
 Non ita. Vos ò vos, Populos qui lege tenetis,
 Magnanimi Reges: quos supplex Orbis adorat:
 Quos tellus, pontusque tremit, date carbasa ventis:
 Armatae spument per Cypria Coerula puppes,
 Et sacer Isacius Mavors excendat in oras.
 Eja agite, & justos laudanda in bella furores
 Concipite, ò Proceres, magnum olim in nomen ituri.
 Nunc animis opus est: nunc illas promere vires,
 Quis quondam, dum bella juvant, Martisque vires,
 Foedastis Latios per mutua vulnera campos.
 Ergo agite, ò Reges: socios convertite classes,
 Quò vos Terra vocat, Puero dignata Tonante:
 Quòve catenatus captivas devehit undas
 In Mare Jordanis, Geticoque invita Tyranno
 Heu! debellatas palmas submittit Idume.
 Si consanguineis Europam scinditis armis;
 Dicite, quæ vestris accedet gloria Turmis?
 Quosve caner vivax post funera fama triumphos?
 Silicet hoc ingens decus est: hæc gloria solum
 Ad seros veniet post ultima fata Nepotes;
 Vestra Palestinam redimant si prælia Terram.
 Quæ mora Romanas Aquilas: quæ Lilia tardat?

Quæ

Quæ mora Victores ingloria tardat Iberos?
 Jam Pisæa volet Tyrrheno remige classis:
 Jam Siculum spumet, remis ferientibus, æquor.
 Tuque etiam, ò quondam sedes auctura Beatas
 Regibus, & magnis auctura altaria Divis,
 Anglia, sterne rates Pelagoque immitte sereno.
 Sic non ulla, suis quam circumplectitur undis
 Nereus, belligera certet tecum Insula laude.
 Et dubitatis adhuc Reges? Vocat ecce secundus
 Vela Notus, poscitque rates: Pontusque superbit.
 Tam sanctum Isacias bellum transmittere in oras.

Non deerunt tantæ laudj sua præmia: Vestris
 Accedet Solime titulis, accedet Idume.
 Vestra erit hæc tellus: & vestris serviet armis.
 Hæc belli merces; dabit altera præmia Virtus.

Laurentius Fius Bonzi Sem. Rom. Conv. & Rhetor novus.

C L E M E N S III. P. M.

*Facatis Europæ motibus Christianorum Principum arma in Palestinam
 expeditionem convertit.*

C A R M E N.

U T primum triplici fulgens terrore Potestas
 Pressit adoratum Populis Caput: Orbis & arcem
 Implevit CLEMENS, vasti spes Tertia Mundi;
 Forte Senex, cujus menti moderator Olympi
 Se totum spectare dabat, flammatus ab alto,
 Prodere venturi cœpit præsagia Regni.
 Macte, ait, à summo Majestas prima Tonante
 Macte animis Cortina Deum; Te Præsides, Tellus
 Quo superis vix cedat, habet; pacemque per oras
 Dividit, & flayo placat fera sæcla metallo.
 Nec dum pugnaces animos, nec ponitis arma
 Regnantum cognata manus? Non frangere vestra
 Pectora, non avidos fraterni sanguinis enses
 Ignea Semideæ potuerunt fulmina linguæ?
 Arma tenete tamen; junctis nam concita signis
 Agmina ab Europa Solymum devolvit in hostem
 (Sic superi volvere) Pater: Quas Gallia misit
 Tempora quæque suis signare assueta triumphis,
 Quasque Ister dominus, quas lauro confitus Albis,
 Quas aquilæ invicto vallarunt fulgure, Gentes.
 In certam coiere fidem; decrescit in hastas
 Hercinia, & Geticos Arduenna hostilis in angues
 Gaudet quadrupedum latebras armare ferarum.
 Non equidem frustra est, quod pallida tendis Idume
 Vincula cum manibus: quod Cœlo debita monstras

Thura, & Bistonio squalentes turbine palmas;
 Jordanisque pater, quod nudo abjectus in antro
 Urnam auget lacrymis, & toto flumine luget:
 Aspice quam vasto, depressus pondere Nereus
 Occidua sub classe gemat! Quantoque tumultu
 Divisere cavæ dextrum sibi Castora proræ!
 Quanta venis, quam fortis! Io, Sydonis ad oras
 Gens dilecta Deo; sors Barbara pallet, & Orbem
 Eoū tremefasta quatit; dum littora complet
 Ultor, & in tumidam pugnax Ptolemaida pontus
 Evomit infestas admota classe phalanges.
 Nequidquam, impatiens Bellona, tuisque Gelonis
 Nequidquam, Gradive times. Age concute cristas
 Improbe, & immissa super altum Casion hasta
 Cogē Paretonias Latium super agmen Erymnes;
 Nam fractus, turpique gemens de vulnere, tandem
 Horribili patrium terrebis Strymona planctu;
 Littore cum Tyrio Solymas præludet ad arces
 Relligio victrix, & solvet sanguine Thracum
 Captivo Domini funebria iusta sepulchro.
 Evenient: meruit CLEMENS & nominis hujus
 Numen, & Auspiciū. Sic Author dixit Apollo:
 Nec mea mens falli; nec fallere novit Apollo.

Joannes Dominicus Bichi Sem. Rom. Alumnus & Rhetor Veteranus:

CLEMENS III P. M.

*Divum Ludovicum Galliarum Regem ad Christi Sepulcrum
 recuperandum adhortatur.*

EPISTOLA.

O Qui, Regali niteas cum splendidus ostro;
 Obsequii in superos plus tibi laude places.
 Numinis Auspicio nunc indue Numinis iras:
 Et Cælum ulturas impleat hasta manus.
 Aspicias ut placidis subsidant æquora ventis:
 Invitetque ruitas pontus, & unda rates?
 Aspicias, ut Solime turres inclinet amicas,
 Et nutu satagat, quod nequit ore, loqui.
 Ipsa etiam, exuvias clausit quæ numinis, urna
 Dudum Barbaricas non bene passa manus:
 Ipsa tibi hostiles nunc exprobrat urna catenas,
 Obruta neglecto dum latet urna situ.
 Illa quidem promptas è Cælo fulminis alas,
 Illa & sydereos posset habere Duces.
 Quos Cælo posset, Tibi vult debere triumphos:
 Et te pro flammis Numinis, illa vocat.

Ergo

Ergo Duces alii, Regum dum signa sequuntur,
 Nil Martis furias, nil sua fata timent?
 Tu superum vexilla sequi, palmasque vocantes
 Vel Cælo renues sub duce bella sequi?
 Non ea sed pietas primis adolevit ab annis,
 Ut Numen nequeas, & data signa sequi.
 Ibis: jam palmas foelix inclinat Idume;
 Dum cupit in crines serpere palma tuos.
 Ibis: jam Libanus sylvas inclinat odoras,
 Ut tibi pugnanti protegat umbra caput.
 Ibis: jam totis Jordanis panditur undis;
 Sudorem foelix ut lavet unda tuum.
 Plaudit Io! Tellus: Foelix tibi plaudit olympus:
 Admonet & lentas palma parata manus.
 Finge tamen tristi victum succumbere bello;
 Aut dare Barbarico subdita colla jugo;
 Cur tamen hæc fugias? Tellus dabit illa sepulcrum,
 Exanimem quondam quæ tulit una Deum.
 Divinam dum turba frequens properabit ad Urnam;
 Tu quoque susceptæ pars eris una viæ.
 Ergo seu victus, sacris seu viceris armis;
 Alterutro semper munere victor eris.

Augustinus Grimaldi Sen. Rom. Conv. & Rhetor novus.



ΚΛΗΜΗΣ Ο ΤΕΤΑΡΤΟΣ

ΑΚΡΟΣ ΑΡΧΙΕΡΕΥΣ

Τοις ἐγκύτοις ἰδιωτέων πόρνη.



Ὁ πλῆθος μετώρα φιλῶ, μετώρατ' ἱκανῶ:
 Τόσημα γὰρ μίγαλον, σέμμα γὰρ βασιλῶν.
 Δύσλωσι γὰρ θεοί, ἀκροαθεὶς λήγοντα ταλινθῶ:
 Ἀρρήτων γὰρ ἐγὼ χρεομῖν ἱκανὸν πύλομαι.
 Ταῦτ' ὀλιγοῦσιν ἔσται χρησίμη, ἐπεὶ ἄσπερ ἀπολαμψά
 Τυφλῆς δῶρα τύχης ταρταλίῃ περὶ παρῶν.
 Τριῖας μὲν, τέκν', ἀγροχίκα πολλὴν ἀναγοῖ,
 Βέματος ὑψηλῆ ἀξίᾳ εἰς, ἀποχρεῖ.

Jacobus Maria Ayrolé Sem. Rom. Convict. & Rhetor novus.

ΚΛΗΜΗΣ Ο ΤΕΤΑΡΤΟΣ

ΑΚΡΟΣ ΑΡΧΙΕΡΕΥΣ.

Πρὸς Πίξον Γερόσιον ὑπὸ τῷ ἁγίῳ Αἰγιδίῳ Ἀγαπητὸν υἱὸν
 Σωτηρίαν, καὶ Ἀποστολικὴν Εὐλογία.



Ἰ' πλείους ἐπιγνοῦσι τῆς ἀξίας σου, ἀλλ' ἐγὼ μόνος ὁ μίγαβρεξ;
 ὅπως ἐπικηρύξαιμι γνώσκω, διότι περ' ἱκανῶ, ἐ τοις ἄλλοις χρεοῖ, τῷ
 πύθου μοι, καὶ φοβῶ ἄτιον ὅστι; Καὶ ἵνα γνωρίσῃς τίνα τρέπονται ταῦτα
 τῇ ἀρχιερεῖ ἔχῃ σοὶ προσέκω, ὅρα καλῶς, ὅτι. καὶ ὅρα τὴν
 συνθήκην ὅτι ὁπποῖν τῇ καρδίᾳ, ἱκανῶ ἱκανῶ ὁ μὲν τῇ καρδίᾳ ταπεινὸν ποιῶ,
 τὸς εἰκόσμου ἱκανῶν ὁ θείος, ἄλλως τῆς τῷ κίσμου πρὸς ἡμῶς ποιεῖται.
 καὶ ὅς δρίσκῃ τῆς ἐς πρὸ ἀφανίζουμένης χρεοῖ καλῶς πρὸς ἡμῶς τὴν Μιτῶ-
 ραν, τὸς Ἀδελφούς, καὶ λοιπὸν τὸν αἰώνιον ἡμῶν. Μὲν περὶ σοὶ, μὲν περὶ
 τῶν Ἀδελφῶν σου, μὲν περὶ ἄλλων τίνα γὰρ εἰκασίαν δι' ἀρχιερεῖς διπλω-
 ματος γράφω, ἀλλὰ ὑπὸ δακτυλῶν τῶ ἀλιδότικῶ, ὡς ἔθος ὅστι τοις ἱερεῖς
 Ρωμαίων ἐπ' τοῖς ἀπορήτοις αὐτῶν. Ἐρῶ σοι. Τῇ Περσείᾳ ἐς τῇ ἐορτῇ πρὸς ἁγίαν
 Παρυστίαν, καὶ Φαλκίαν.

Jacobus Maria Ayrolé Sem. Rom. Convict. & Rhetor novus.



CLEMENS IV. P. M.

PETRO GROSSO SUO EX FRATRE NEPOTI

Salutem & Apostolicam Benedictionem.

ET si jam antea præceptis meis, ac monitis usus, eum cursum institui-
sti, cujus non me pœniteret; vereor tamen, ne novus hic splendor
supremæ dignitatis nostræ, affusus oculis, ab officio retrahat, aut saltem
impediat. Habes obsidentes te officiis, adorantes, eam sequentes fortu-
nam, quam mea causa tibi arbitrantur accessisse. Falluntur ij verò si ne-
sciunt quid acceperim: si sciunt fallunt: gratulantur illi scilicet incom-
modis nostris. Aureum quidem onus incumbit; onus tamen, cui subji-
cimur gravius, & peniciosius succumbimus. Positus in excelsis fastigio
non tam cæteris eminet, quàm spectaculo est. Unum omnes intuentur;
neque unum volunt omnes; quin in contraria plerumque intentos contem-
nere periculosum est, explere longè difficile. Neque penes unum vel se-
gniùs, vel calamitosius administratæ rei labes est; manet illa in vos etiam,
totumque quodammodo inscit domesticum sanguinem. Æquè honore
nostro gaudetis, & patetis invidiæ. Quæ autem est ista gratulatio, quod
Generis vestri Pontificem habetis; cum Generis item vestri tantopere in-
ter sit qualem sitis habituri Pontificem? Hæc porro tua causa loquor:
nam mihi quidem videor ipse vobis ereptus, non futurus vobis ornamen-
to, neque pudori, quasi omninò non essem. Patrum habebas nuper,
eumque amantissimum; amabam videlicet adolescentiæ tuæ spem, inge-
nium, animum, moresque tuos. Jam obliviscere hoc nomen: seu familiæ, seu
malis etiam vitæ Patruus adeptus est. Ampliorem in familiam translatum
me divino consilio, pro illa affinitate paucorum hominum, Patrem omnium
scito. Habeo te Filium, sed eum, qui omnes Patris illius supremi filios, nem-
pe quotquot sunt homines fratres, habeat. Fac proinde ut quod in optimè
constituta familia filii prudentiores solent, modestia, gravitate, virtuti-
bus omnibus excellas. Hæc siquidem fortunæ nostræ, hæc amplitudo, hæc
dignitas amplectenda magis: illa, quæ vulgo jactantur, honorum celsitu-
do, divitiarum vis, nobilitas, illustrisque cognatio nobis non providen-
da, sed contemnenda sunt; & si qua est eorum cura, non tribuenda pro
voluntate, sed sapienter distribuenda; ut nulla habita fortunæ ratione
virtutem aut incendat, aut illustrent. Cæterum si quis adhuc sanguinis
sensus est, Patruus misereat laborantis gravissimo munere. Circumstant
enim nos publici juris factos & finitimæ, & alienæ gentes, animum sibi no-
strum, viresque postulant. Quantum geminus patet orbis, tantum mihi
curarum impositum intelligo: sancientiæ leges, retinenda jura, Religio
procuranda vigilantia, præceptis, ope, consilio. Obfistendum etiam po-
tentiae, coercenda audacia, necessitati consulendum, aptanda malis reme-
dia, nec eadem sanè, nec pauca. Spatia hæc varietatesque & locorum, &
hominum, quibus vix totidem capita sufficiunt, in me uno quiescunt: si
subsidium ferre aut non possim, aut nesciam, defectura suo malo, meo
verò etiam periculo, si non audeam. Ecce tibi, persona deposita, honorem
meum: ecce fortunam tuam: inspicere diligentius: neque inanibus rumori-
bus abreptus rem ipsam prætereas, nomine, & specie contentus. Tu
verò amorem erga me tuum non deponas velim, sed consecres, còque in-
ten-

tendas, ut qui Provinciam hanc humeris multo fortiores adiecit, fulciat ipse: futuram nobis laudi & honori, cum illam honestissime administraverimus.

Joannes Petrus Arricabene Sem. Rom. Conv. In Classe Humanitatis.

C L E M E N T I I V. P. M.

P E T R U S G R O S S U S N E P O S

Felicitatem.

Tametsi B. P. (hoc enim Te posthac nomine appellem necesse est; cum Eligentium consensus, & virtus Tua dulce quondam mihi Patruum nomen ademerit.) Tametsi, inquam B. P. communis lætitiæ, quam Orbis universus de Tua dignitate concepit; etiam mihi pars aliqua; nec illa quidem mediocris, contigit: tamen cum in ea tempora incideris, quibus novus istæ dignitatis splendor oneri Tibi potius, quam ornamento futurus est; lætitiæ quam nova dignitas excitaverat, dignitatis onus magna ex parte repressit. Cæterum si mihi gratulari non debeo, cum amantissimum mei Patrum amiserim: si Tibi gratulari non possum, cui procuranda difficultatum plena Provincia contigit; Orbi certe Catholico gratulabor, cui pacandis Europæ motibus opportunum sydus affulsit. Quod si detrimento meo reflorescit Europæ felicitas, & Tuo incommodo Orbi Pax quaritur; profecto non est in quo mihi placere possim: non est in quo Tibi gratuler, nisi quod Deus communi Nostrum incommodo & Orbis Pacem, & Europæ felicitatem redemerit. Suades mihi multis animum privata sorte contentum, lautioris fortunæ odium, & luxus fugam. Scilicet cum magis curæ Tibi sit virtus mea, quam fortis favor; repetis Filio nunc omnium Pater, quæ quondam Patruus Nepoti repetebas identidem. Et quidem quamvis de mea virtute sperare parum admodum possis, multum ipse tamen à consiliis Tuis sperare debeo: cum enim jjs exemplum etiam nuper accesserit; pudebit ~~me semper præeuntem~~ non sequi. Offerebatur tibi Perusiæ Ecclesiæ regimen: interim verò (quod penè miraculo fuit) trepidatum vehementer est, ne Eligentium vota, preces, ac lacrymas, imò spem Orbis cluderet modestia Tua, eaque constantia oblatum deprecareris imperium; quæ Tibi à Patribus offerebatur. Vide jam igitur B. P. quam fortasse superfluum sit, ut qui summam dignitatem constanter sæpè rejeceris, qui acceptam patientissimè feras, Nepoti suadeas ejus dignitatis contemptum, quæ Tibi nondum rediit in gratiam. Ego quidem si in eam me laudem genitum volet Deus, vehementer curabo, ut, seu me Nepotem voces, seu Filium; nihil unquam sit, in quo Tibi aut Filius displiceat; aut Nepos: habeasque semper, quod in Nepote præter sanguinem ames.

Carolus Albanus Sem. Rom. Conv. In Classe Humanitatis.

CLEMENS V. P. M.⁵¹

*Serpentes per Italiam Hæseses sub Allegoria Draconis
extinguit.*

C A R M E N.

AUSONIÆ resupina jaces infamia terræ,
Seminecesque artus, nigroque madentia tabo
Terga videns, calido lambis fumantia telo
Vulnera. Tartarei Victorem carmina monstri
Pandite. Romulidum Tuque ò fortissime Vindex
Da, CLEMENS, fausto facilem mihi Numine musam.

Quà ferit audaci pater Appenninus Olympum
Vertice; sylva vetus densis circumdata dumis,
Roboribus piceisque nigrans, sub tegmine lenti
Viminis incurvo tenebrosum protegit auitrum,
Solis inaccessum radiis. His conditus umbris
Læthifer anguis erat, squamis metuendus & auro.
Fulgurat è maculis rabies, è corpore terror:
Stant oculis flammæ: liquidum fluit ore venenum:
Lingua trifurca micat, crescunt in acumine dentes:
Iratæque rubet crudelis gratia cristæ.

Jamque per innumeras, quibus imperat Ausonis, Urbes,
Straverat hic Populos, hic diro funere Reges,
Nullaque inexhausto restabat præda veneno,
Humanis sed pasta epulis, & pota cruore,
Irritata magis, non est satiata nocendi
Ambitiosa fames, magnæque cupidine prædæ
Romam Orbis Dominam lacerandam clade petebat.

At CLEMENS trifidum Tarpeja fulmen ab arce
Librat, & ignito properantem vulnere tardat:
Crudelemque animam mortemque in morte minantem
Depulit. Ille vomens mistum cum tæbe venenum
Procubuit, peperitque suo de funere vitam.
Plaude tibi, secura metu, communibus experts
Cladibus Italiæ, spolioque superba Draconis
CLEMENTI solvas, quos debes, Roma, triumphos.

Georgius Bosdari Sem. Rom. Conv. Ex Classe Humanitatis

CLEMENTIS VI. P. M.

Triplex laus, Doctrina, Clementia, & Pacis amor.

E L E G I A.

SI tua tergemino cinguntur tempora sermo;
Serta triplex virtus nobiliora dedit.
Laurigeros primum fronti circumdat honores
Ingenio Pallas semper amica tuo.

Pallas te puerum docuit, te Pallas alumnum
 Mirata est artes tam cito nosse suas.
 Quin ubi devictam sensit se Diya, doceri
 Artes optavit saepe Minerva tuas.
 Proxima CLEMENTI tradit Clementia fertum,
 Quae cum CLEMENTIS nomine facta dedit.
 Hæc docuit iustis virtutem extollere donis:
 Hæc voluit, meritis ut suus esset honos.
 Sic facili imperio tua dum Clementia regnat;
 Moribus assuevit vivere Roma tuis.
 Templum Cecropijs habuit Clementia sylvis:
 Unde dabat miseris obvia semper opem.
 Non illi pecudes, raptique ab ovilibus agni,
 Impositi flammis nec placuere greges.
 Frustra illi sacris fumasset victima flammis:
 Arsissent frustra thurea dona focis.
 Placabant Diyam solum pia vota precesque:
 Mollibat facilem lacryma sola Deam.
 Nunc tua majori colitur Clementia templo:
 Pro sylva Romam, qua veneremur, habes.
 Hic miseris facili, facilisque rogantibus, ultro
 Invitas vultu vota precesque tuo.
 Romaque sis quamvis Princeps, vocat illa parentem:
 Sis quamvis Dominus; te vocat illa patrem.
 Ultima belligero Pallas tibi tempora ferto
 Cingit, & emeritas ornat honore comas.
 Nam cum discordes ruerent in prelia Reges:
 Turbaretque Italos Martius ardor agros;
 Ipse triumphali redimitus tempora oliva
 Placasti audaces in sua damna Duces.
 Per te Sequanicis cessit discordia campis:
 Per te pacatis Anglia regnat aquis.
 Per te Romuleis Mars Thracius exulat arvis,
 Et niveo Populos Pax fovet alma sinu.
 Ut capiunt vires, ventis spirantibus, ignes:
 Pulchrior à pluviis ut nitet Iris aquis.
 Sic tua per Martis crevit discrimina virtus:
 Visaque majori est enituisse face.
 Italiam, CLEMENS, lacerarunt prælia: fama
 Nunc tibi pacato major ab Orbe venit.

Hieronymus Herba Sem. Rom. Goro. Ex Classe Humanitatis.

CLEMENS VII. P. M.

Sub Navis Allegoria Pontificatus sui difficultates deplorat.

E L E G I A.

IRam pone, fretum: venti, mansuescite. Clemens
 Orat, jactatæ cui data cura ratis.
 Quid faciam, infelix? Aut qua regione requiram,
 Quod negat auxilium Pontus, & aura mihi?
 Pontus, & aura ratem quondam juvere: cucurrit
 Per medium sospes cum mea cymba salum.
 Nam mare pacatis æquabat fluctibus undas:
 Implebat tumidos aura secunda sinus.
 Ast nunc Pontus iter, placidos negat aura fufurros:
 Aura secat velum, dum ferit unda ratem.
 Hei mihi! quot fragilis jactatur cymba procellis,
 Cymba procelloso penè sepulta Mari!
 Hei mihi! præcipiti modo pendet ab æquore puppis:
 Et modo subductis præcipitatur aquis.
 Nunc illam rapida cingit vertigine fluctus:
 Nunc illam dubii vorticis unda rapit.
 Pellimur hinc Austro; sed & inde repellimur Euro:
 Unus obest alii ventus, uterque mihi.
 Carbasa seu tendo, Pelagoque immittor aperto.
 Seu tutum timidus Navita littus amo:
 Infidum mediis irascitur æquor in undis:
 Et reflua infido in litore fervet aqua.
 Seu mihi tyrrhenum placeat proscindere Pontum:
 Seu placet Adriacum currere puppe salum;
 Ecce repentinas insurgit fluctus in iras:
 Asperat Aufonium sæva procella mare.
 Mitior ah saltem Boreas spiraret ab Arcto:
 Servaretque, olim quam dedit ille, fidem!
 Ille etiam nostræ laceravit vela carinæ:
 Ille etiam obsequium, quod dabat ante, negat.
 Ah! saltem Latio liceat succedere portu!
 Tuta sit ah portu prora Latina suo!
 Me miserum! solito licuit succedere portu,
 Sed tutum in portu non licet esse meo.
 Namque etiam hic rapidus motis furit æstus arenis:
 Hic etiam pictos verberat unda Deos.
 Iram pone fretum: venti mansuescite: spernis
 Vota fretum? nostras spernis, & aura preces?
 Tu saltem, iratas sternit cui Nereus undas;
 Quoque jubente, levi murmurat aura sono.
 Tu mihi, Numen ades; Latiam tu dirige Puppim.
 Tu Dominus, Rector sum ratis ipse Tuæ.

CLEMENS VIII. P. M.

Nepotem suum cum Pontificiis copiis ad bellum contra Turcas mittit.

E L E G I A.

HUc ades, ò nostræ non ultima gloria Gentis,
 Care Nepos, Martis fulmen, & Orbis amor.
 Huc ades, & Latium primò venerare Parentem,
 Et preme signatos ore tremante pedes.
 Sed postquam nostris impresseris oscula plantis;
 Ultima ab Ausonio Principe dicta cape.
 Bella placent, quondam claros habitura triumphos:
 Bella placet Getico bella movere Duci.
 Romula Tyrrheno decurret in æquore classis:
 Et Cœlo Jonias Auspice scindet aquas.
 Ergo meas incende rates: pelagoque volantes
 Impleat aspirans ventus, & aura sinus.
 Rumpe moras, generose Nepos, tibi militat æther
 Et tua cœlestis diriget arma manus:
 Fulgida, quæ nostris rutilabunt sydera signis;
 Illa tibi toto sint cynosura mari.
 Ingredere ominibus certis, ventisque vocatis
 Sithonis à Latiis puppibus unda gemat.
 Causa placet superis, superisque volentibus ipsis
 Odrysi placuit cum Duce bella geri.
 Nec dubites, fortem si bella ferantur in hostem:
 Adverso timeat qui movet arma Deo.
 Hactenus Ausoniis fatis insultaverit Aris,
 Spreverit & Latias barbara Luna manus.
 Tempus adest, fracta surgant quo compede gentes:
 Et vetus excutiant colla subacta jugum.
 Tempus adest, Getico quo sanguine purpuret, & quo
 Palleat amissa Thracia Luna face.
 Ast ego, dum cures remis ferientibus æquor,
 Dum vehet Ænotrias Tethyos unda rates,
 Thura dabo pia thura Deo: Populisque vocatis
 Decludet sacras dextera nostra fores.
 Romuleam & quisquis peregrinus venerit Urbem;
 Affusa à nobis abluet unda pedes.
 A nostra sitiens sumet charchesia dextra,
 Sumet & à nostra fercula lauta manu.
 Ipse tamen tenui ducam jejunia victu,
 Et cinget fetis horrida zona latus.
 Fors erit, ut nostris numen placabile votis
 Injiciat Scythico frœna Latina Duci.
 Et mea Treyciis rutilent in turribus astra,
 Detque locum Stellis Luna superba meis.

Colomanus Hamerani Sem. Rom. Alumnus, & Rhetor novus.

CLE-

CLEMENS VIII. P. M.

55

*Sub Daphnoidis nomine Thyrsis, & Amyntas laudant,
quod, recuperata ab ipso Ferraria, immunes
nunc sint à Bellorum incommodis.*

E G L O G A.

QUà patet effusis foelix Insubria terris,
Et sese major vasto caput erigit alveo
Fluviorum Rex Eridamus, Pelagoque sonanti
Arva secat, raditque tuos, Ferraria, campos;
Curarum immemores liquidi propè fluminis oram
Thyrsis oves cantu, calamo mulcebat Amyntas
(Nam cantu Thyrsis, calamo præstabat Amyntas.)
Fortè, sub herbosæ gement cum margine ripæ
Lactentes vitulæ, & querulis balatibus agnæ
Implerent valles, & amicam vallibus Echo;
Respicit Eridanum Thyrsis, medioque natantes
Amne viros, galeasque videt, clypeosque sonantes,
Reliquias Belli, & Scythici fera præmia Martis.
Ergo vicini metuens discrimina belli,
Flebat, & has mesto tristes dedit ore querelas.

Thyr. En quæis nostra suas tellus promittit aristas!
En quibus à foetis teneros educimus Agnos,
Inferimusque pyros, & ponimus ordine vites!
Nunc alios populatur agros Mars Thracicus: Urbes
Nunc alias, aliumque solum funestat Erymnis.
Proxima sed postquam turbaverit arva Gradivus;
Nos eadem fortuna manet: deslebimus ambo
Amissum pecus, & dulcis grata otia ruris.
Non tuta in stabulis fuerint, non tuta per agros
Errabunt armenta: manu ferus omnia miles
Auferet: intonsas sonipès pede protèret herbas,
Vicinæque hostiles sylvæ flectentur in hastas.

Amynt. Quas ripis errare boves, errare capellas,
Thyrsi, vides, siccoque in littore ludere saltu,
Candentes vitulæ, & foetis cum matribus agni,
In stabulis tuti semper, tutique per agros
Tondebunt virides, nullis prohibentibus, herbas,
Ne dubites, nobis campus servabit aristas:
Turgida spumabunt nostro multralia lacte:
Noster erit, nostroque lacu calcabitur, omnis,
Incustodita pendet qui vite racemus,
Aspera vicinos quæ miscent prælia campos,
Hinc aberunt: nostrasque reget Pax aurea sylvas.
Dispersas quondam pecudes, & diruta vidit
Pastorum tecta, & quercus innare revulsas
Turbatis caput attollens hoc flumen ab undis:
Sed postquam hos colles, has sylvas Daphnis amavit,

Atque

Atque suum foelix novit Ferraria Daphnin;
 Mutavit fortuna vices: Clementia cœpit,
 Et secura quies nostris assuescere sylvis,
 Daphnin Pastor amat: volucres, armentaue Daphnin
 Si possent: Daphnin volucres, armentaue amarent,
 Ut rident violæ, vel purpureus hyacinthus,
 Ut sylvis modulantur aves, cum pulcher Eoo
 Sol redit, & nitida densas face discutit umbras;
 In nostra haud aliter cum venit ovilia Daphnis,
 Idaliæ rubuere rosæ: cecinere volucres:
 Fronde nova, pomisque novis se vestiit arbos:
 Et pecudes saliere: hædi saliere petulci.

Thyr. Sed si Parca ferox invidit Daphnida nobis;
 Dic mihi, quis posthac pecudes defendet, Amynta?
 Daphnis abest: aliasque alio sub sydere sylvas
 Nunc habitat, nostri forsan gregis immemor: & fors
 Immemor Eridani majores quæsiit amnes.

Amynt. Quin potius licet ille alio sub sydere sylvas
 Majores habitet, majoraque flumina nostris;
 Is tamen in alio redivivus Daphnide, nostras
 Curat oves, tutosque jubet per pascua tauros,
 Et tutos errare greges, errare capellas.

Thyr. Cur igitur (quoniam confedimus ambo periti
 Tu calamos inflare leves, ego dicere versus)
 Non canimus Daphnin? Nobis si hæc otia Daphnis,
 Daphnis & à nostris prohibet præsepibus arma?

Amynt. Thyrsi, vides quantæ veniant de montibus umbræ?
 Nox ruit: & nigro jam surgit vesper Olympo:
 Et Daphnis vetat, & surgentia sydera cantum.

Comes Camillus Marazzani Sem. Rom. Conv. & Rhetor Veteranus.

CLEMENS VIII. P. M.

*Domesticam distrabit suppellectilem, ut pauperum
 calamitatibus consulat.*

EPIGRAMMA.

Paupervis in speciem Numen delabitur astris,
 Divitiæ ut vena de meliore fluant.
 Hinc hominum pietas reddit sua munera Templis,
 Cultaque votivas ara flagellat opes.
 Auspice te, CLEMENS, repetit jam Numen egestas;
 Plus tamen in cultu paupere Numen habet.
 Instar habes Regum, Tyrio dum murice fulges,
 Dum contemnitis opes, Numinis instar habes.

Laurentius Grimaldi Sem. Rom. Conv. & Rhetor novus.

CLEMENS VIII. P. M.

57

Anno Jubilei multa pietatis opera in Pauperes exhibet.

ELOGIUM.

Regnante CLEMENTIS VIII. munificentia
Romam conflue,
Ubi te non invenias ampliùs
Peregrina Pauperies.
Supremam Regnantium Majestatem
Amabili pietatis metamorphosi
Plebi famulantem

Mirare.

Quem Reges adorant, Orbis colit, tremunt Inferi,
Sordidis advolutum pedibus
Intuere.

Jam sola thesaurorum effusio,

Quem famulantem vides,

Testatur Principem,

Nisi quod ipsa Majestas in demissione sublimior,

Aut CLEMENTEM probat, aut facit.

At quem in sæculi cunis, miraris-Principem,

Diligis Patrem,

Disce sperare,

Abeunte sæculo cum usura redivivum.

Sic quæ sæculi infantiam inter pietatis ubera excepit,

Tandem

Benignitatis, munificentiae, demissionis,

Prodigia geminans,

Rediviva Clementia

Sæculum coronabit.

Augustinus Lombardi Sem. Rom. Conv. & Rhetor novus.

CLEMENTIS IX. P. M.

Auxilium Creta à Turcis capta implorat.

EPISTOLA.

GNOSSIACI Regina Maris, cui littora centum,
Centum Urbes Populos, lataque Regna dabant;
Infelix Getico jubeor servire Tyranno,
Et dare barbarico regia colla jugo.
Illa graves patitur cervix onerata catenas,
Ornatum gemmis quæ diadema tulit.
Illa coercetur vinclis, & ferrea sentit
Pondera, quæ gessit splendida sceptrâ, manus.
Hostis in excelsa, nullis prohibentibus, aula
Regnat: me rigidi carceris umbra tenet.

Hei mihi! Noster adhuc rubris stat sanguis in arvis!

Ossa Ducum campis semisepulta jacent.

Qua steterant Urbes, colles feriuntur aratro:

Surgit ab everfis sedibus alta seges.

Templa ruunt: alio surgunt altaria cultu:

Mentito fumant impia thura Deo.

O utinam subito terræ confumar hiatu:

Mergar & in medio contumulata Mari;

Ne sacris videam contraria surgere sacra:

Ne videam ritus, impia turba, tuos.

Perdita, sed nondum pereo, sed perdita vivo:

Ah, CLEMENS, facilem tu mihi tende manum.

Quam Superi servant; ne tu servare recusa:

In me cum Superis est tibi juris idem.

Auxilium nuper, complentibus æquora velis,

Ne caderem, tuleras: hoc ego lapsa rogo.

Ah veniat Ligurum, veniat Tyrrhena juvenus,

Et Romana meas classis obumbret aquas.

Nave super celsa nomen CLEMENTIS in auro

Fulgeat, & tremulum verberet astra jubar,

Ille nitor Geticos rutila face fulminet Hostes:

Ille mihi clari syderis instar erit.

Eja age, rumpe moras: tumidis da carbasa ventis;

Et premat Jonias Romula classis aquas.

Unum oro, quodque ipsi etiam concesseris Hosti,

Hostis si peteret: scilicet esse tuam.

Georgius Bosdari Scm. Rom. Conv. ex Classe Humanitatis.

C L E M E N S I X. P. M.

Tumulum suum brevi hac Epigraphe inscribi jubet:

CLEMENTIS IX CINERES.

E L O G I U M.

E Ravit Modestia Tua, CLEMENS,
Quæ dum litteris vetat inscribi Sepulcrum,
Prodit facta, non celat.

Augusto Cineri Tuo

Nihil tam nocet ad laudem,

Quàm vita CLEMENTIS.

Exiguus, quem imperas, lapis

Teget ossa, non famam;

Et accedens Tumulo Roma

Perget dicere, quod invita non legit.

Ut vel mortuus laudem declinares;

Alio vitæ genere utendum erat,

Non Testamento.

Accipe igitur

Quod

Quod paucis fama subscribit.
 CLEMENTIS IX CINERES,
 Qui extinctis Principum odiis,
 Sublata Populorum inopia,
 Partaque Orbi universo felicitate,
 Nihil habuit commune cum cœteris,
 Nisi Mortem.

Joseph Roverus Sem. Rom. Conv. & Rhetor novus.

CLEMENS IX. P. M.

Cretam pecunia, & milite juvat, ne à Turcis occupetur.

EPIGRAMMA.

Creta jaces, frustra puero reptata Tonante :
 Lunaque centenis Urbibus alta sedet.
 Quid faceret CLEMENS? Juvit te milite : Classe
 Te juvit ; Scythicum ne paterere jugum.
 Tu tamen ah ! pateris Scythicas invita catenas :
 Flectis & Odrysio Regia colla jugo.
 Solamen vicina tamen tibi, Creta, ruinæ
 Troia det : excidio Troia superba suo.
 Post duo nam flammis victricibus Ilion arsit :
 Creta, tamen solum post tria lustra cadis.

Faschalis Galeani Sem. Rom. Conv. & Rhetor novus.

CLEMENS X. P. M.

*Ludovicum Beltrandum, Cajetanum Thiencum, Philippum
 Benitium, Rosam Peruanam, & Franciscum
 Borgiam Sanctis annumerat.*

CARMEN.

Addita syderibus nova sydera, grandia nostro,
 Exiguo quamvis, sint argumenta labori.
 Huc ades, Aoniis cui Pindus murmurat undis,
 Phæbe Pater, scelixque meis allabere cœptis.
 Dum pia cœruleo residens Clementia Cœlo
 Humanas spectare vices, & ab axe sereno
 Terrarum molem, medioque sub æthere mundi
 Gaudebat lustrare globos, calcataque circum
 Imperia ; occurrit Princeps, molimina rerum
 Qui volvit, sceptroque sibi subjecta ministrat
 Regna, datumque Petro certo regit ordine mundum.
 Hunc Dea prospiciens, æquantem nomina factis
 (Nam nomen CLEMENTIS erat) sua dona parari,

Digna-

Dignaque pro meritis disponi prœmia jussit.
 Inde polo residens medio prostrata Tonantis
 Ante oculos stetit, & tales dedit ore querelas.

Summe Parens, pœnas à quo sperare Nocentes
 Fas est, & dignis impendi prœmia factis;
 Influxu rediviva tuo gratissima tellus
 Germinat, & spondet varios in tempore fructus.
 Ergo quod in proprio divina potentia Cœlo
 Præstat id ipse suis CLEMENS in sedibus æquo
 Ponderet Imperio: liceat nova sydera Cœlo
 Inferere, & meritis altaribus addere Divos

Hæc ait: & postquam validas pulcherrima Virgo
 Esse preces novit; liquido delabitur axe:
 Ocior & jaculis, ventoque fugacior omni
 Romuleo venit CLEMENS ubi splendidus ostro,
 Subjectos Latia Populos moderatur ab Urbe.

Forte Senex dulci curarum oblivia somno
 Hauribat placidus: paribus Clementia pennis
 Cum subit Augustos non observata penates:
 Affaturque Patrem, noctisque eliminat umbras.

O cui de triplici rutilat Diademate vultus,
 Summe Parens, orbemque data moderaris habena;
 Nullane te Cœli tangit pia cura? Nec unquam
 Transcribes nostro meritos Heroas Olympo?
 Ergo Beltrandi Cineres, atque Ossa Philippi,
 Et Cajetani tenui modo condita busto,
 Nunquam turba frequens posita venabitur urna?
 Nec Rosa quam dives Peruvia nutriit, & quem
 Fortunata dedit Patriis Hispania sceptris
 Borgia, Semideum meritis miscetur aris:
 Accipietque preces, votisque vocabitur unquam?
 Ergo age & his ~~etiam~~ ~~ponere~~ altaria Divis.
 Hæc laudis sit summa tuæ: post fata sequeris,
 Quos modo in æthereas Divos præmiseris oras.
 Dixit & incussis rediit super æthera pennis.

Obstupuit Pater, & somni fugientibus umbris,
 Ecce sequor, dixit, Divæ sequor omina tanta.
 Salvete ò igitur Latii nova sydera Cœli.
 Nunc ego vos reliquis animis cœlestibus addo.
 Ipse prior Cineres supplex venerabor, & ipse
 Thure pio, & sacris cumulabo altaria donis:
 Quosque damus Cœlo, post ultima fata sequemur.
 Quod si alius Latio spectandus murice quondam
 Romuleum accipiet nostro cum nomine Regnum;
 Ille etiam, Odrysiæ sed postquam cornua Lunæ
 Frerit, & stabili sociarit fœdere Reges:
 Threjjicum postquam patrii propè Strymonis undas
 Frœna reluctantem frustra, frustra que cruentum
 Ærea mordentem rabido sua vincula dente
 Æterno Victor damnarit carcere Martem;

*Ille Deum vitam accipiet, diisq; videbit
 Permissis heroas; & ipse videbitur illis;
 Pacatumque reget, Patriis virtutibus Orbem.
 Julius Vitelliuschi Sem. Rom. Conv. & Rhetor Veteranus.*

CLEMENS X. P. M.

*Collatam sibi summam dignitatem Lacrymæ exiit.
 In ipsius lacrymæ.*

E L E G I A.

O Lacrymæ, quas non vincit Danaëus iuber,
 Este precor menti Castalis unda mea.
 Puri animi testes, vos diva è fronte volutæ
 Inclita fulgenti lambitis ora fuga.
 Neve homines tanto perstringat Numen ab ore;
 Velatis molli lumina sacra gelu.
 Parvi Orbis; in quos sese tenuasse putanda est,
 Ut tangat vultum Principis, Æthra micans.
 Exigui latices; sed quos veneratur, & horret
 Et Tagus, & totis cernuus Ister aquis.
 Sydera vos dicam; quamvis non alta tenetis,
 Sed liquido potius tenditis ima gradu.
 Terra refert Superos tanto sub Principe; in illam
 Par est ut superæ defiliatis opes.
 Sacra per ora vagæ decoris, monumentaq; laudum
 Pingitis, atque animi scribitis acta pij.
 Scribitis, ut placidæ Regina modestia mentis
 Proscribat vestris vota superba notis.
 Credo equidem, tali si se spectaret in unda,
 Damnaret vultus ambitus ipse suos.
 O gemmæ, frædi quas non ad præmia, luxus
 Fudit Erithræo squalida concha sinu.
 Verum Semideæ domino de sanguine venæ
 Finxit laudata dædalus arte pudor;
 Ut decus, & vestro virtus torquata monili
 Principis augustis splendeat alta genis.
 CLEMENTI Cælo tandem (venientia sæcla
 Auspiciis fœlix sumite) gemma pluit.
 Dum signat gemmis Regni primordia CLEMENS,
 Aurea quis cedant, gemmea sæcla facit.
 Tuque Pater, quem cuncta regant cum supplice fato,
 Terna velis domina stringere sceptra manu:
 Per lacrymas consume hominem, terrenaque jura;
 Nam manet humana te vice major apex.
 Teque probent posthac tua gesta ingentia Numen;
 Et clament populi: credimus esse Deos;

Jacobus Maria Ayrolis Sem. Rom. Conv. & Rhetor novus.

CLEMENTUM P. M.

Corona.

O D E.

NAM cur inertem plenius obsidet
 Visum ~~papaver~~? Fessa domesticas
 Nox densat umbras, & jubentem
 Luce sequor fugiente somnum.
 At quæ se in umbras insinuat dies?
 Proh quam decoro lumine nobilis
 Coruscat intus Diva? O
 Vincit ore novum radiante solem.
 Demissa tergo plurima plumæ
 Perrumpit acres ala Favonios,
 Vehitque consensura secum
 Aerium super astra callem.
 Fatigat omnem stridula spiritum
 Fœcunda dignis buccina laudibus,
 Et facta diffundit per Urbes
 Emeritam subitura musam.
 Discedit imo viscere perviis
 Calcanda Tellus gressibus, & viam
 (Utrinque suspendente vallum
 Imperio) penitus remoto
 Maritat antro; non aliter metum
 Texente iussa Doride vitreum
 Moses Idumeis catervis
 Ambiguas referavit undas.
 Antrum superbas ad Capitolii
 Spectare rupes ~~dicunt~~ abditum;
 Proh qualis exercet novati
 Praxitelis, Phidiazque scalprum
 Imago ficto Principe nobilis?
 Sudatur ætis pervigil ictibus
 Vel ipse Naturæ timentis
 Sudor, & imperium refundit
 Scalprum in superbam Regis imaginem
 Orti in coronatum imperii metum:
 Se plena Majestas in alnum
 Induit officiosa vultum.
 Inertiori sydera lampade,
 Si utrumque lumen fulguret, emicant;
 Totumque consumpsisse credas
 Praxitelem, artificemque dextram.
 Sed quæ stuporem pompa rapit novum?
 Subit relicto Praxitelis locum
 Chorus Dearum, subditæque

Effigies leviores saxo,
 Et tenuiori dispositæ loco,
 Circum coronant ordine imaginem;
 Quæ clara fulgescit, minores
 Luna velut prior inter ignes.
 O quæ timentes tuta Regis gradus;
 Quis ille, tota qui supereminet
 Cervice sublimis? Minor quid
 Ordo sibi, famulusque poscit
 Chorus Dearum? Dic age: Principi
 Novum merenti nam decus additur;
 Si fama vulgarit per orbem
 Artifices meruisse Divas.
 Viden, nefandæ quæ prior imminet
 Regalis Hydræ: Quæ fera Principem
 Formidat Augustum; Deorum est
 Vana superstitio: catenas
 Illi retortis nexibus iniicit
 Certa triumphans Relligio manu!
 Quæ jura dispensat colenda
 Effigies, tua Magne CLEMENS,
 Qui primus almo nomine inutilem
 Cultum insulato pectore deprimis,
 Deosque mendaces timendus
 Veridica premis usque poena.
 En ut sonantes sacrilega manu
 Obscæna numeros altera præferat,
 Auroque venalis mitratam
 Occupat imperiosa Sedem.
 Tibi secundo nomine Pontifex
 Coacta servit; non pretio subest
 In Orbe discissis crinibus,
 Cui pretium Deus ipse venis.
 At non medullis spiritus exilit;
 Dum viva sacram luce Tyrannidem
 Spirat, trahens cornu minorem
 Barbaricam generosa Lunam?
 Isthæc duorum Numine Præside
 Fervere jussis edocuit vadis
 Tonantis ob victum sepulcrum,
 Et Rodanum, Adriacamque Tethyn.
 Verum remissis utraque vultibus;
 Quæ Diva Sedem nobilis occupat,
 Utramque tutatur sequentum
 Pontificum obsequiosus ardor.
 Præclara cætus altera Præfulum
 Cogit verendos: Altera supplicem,
 Sibique districto parantem
 Italiam quater ensæ cladem
 Victrix priori reddit imagini.

Frustra cruentas excutiunt minas
 Mavorſque, Germanumque funus ,
 Et nocuos fera vincla nexus
 Injeſta Divæ: Corde ruentibus
 Major minarum juſſibus, obvius
 Nescit labores, ſi colenda
 Mediceo famulatur oſtro .
 At non cruentus carcer obambulat
 Utrumque aduncus cui laſus, & ſibi
 Cladem minatur fune, noſtrum
 Effugiet Metanæa viſum .
 Virtus ſub umbris nata petit diem,
 Sibique falſo nomine durior
 CLEMENS jubetur ferre Solem ;
 Immeritis rapiendus umbris,
 Hujus ſuperbam noſcis Imaginem?
 Manuque circum permeat ordinem
 Noſſe credam, nempe veſtræ
 Parrhaſias inſtitutus umbras
 Adhæret aula nobilis. Illius
 Ab ore pendet candida Gallicis
 Subveſta pennis Pax, lbkra
 Tuta viæ ſuper arce pendens .
 Regnata ſenſit Creta Leonibus
 In imminentes Adriacis opem,
 Lunas, diu cogens repulſas
 Ambiguum reparare cornu.
 Claudit decorum nobilis ordinem
 Themis ſacrorum lance pericula
 Sudata perpendit virorum,
 Et meritis pia donat aris .
 Vix hæc; ~~cunctis ſponte ſua~~ Deæ
 Viſæ moveri, motibus obvius
 Spondent gradus, atque impetrato
 Nutibus à Dominis reſeſſu;
 Exceltioris mox & Imaginis
 Dein advolutæ ſuppliciter pedi,
 Sceptrum reſuſantem fatigant
 Pontificem. Diadema pendet
 Regale, quærens ambiguum caput .
 Tandem, Latini qui decus imperj
 Sceptrumque triplex qui reſuſat,
 Auſonio radiavit Oſtro .

Comes Julius à Vulpe Sem. Rom. Conv. & Rhetor Veteranus.



CLEMENTIS XI. PONT. MAX.

LAUS

SILENTIUM. ORATIO.



Unam ætati B.P. non visa mirabilis, mysterioque plena via illa à Pythagoricis inita, ut arcanam, & impercrutabilem Dei naturam ob oculos nostros exponerent, ac fluctuantem intellectum manu quodammodo ad ejus contemplationem deducerent non alia quippe definitione usi sapientes viri, quàm numerorum adminiculo constata, & interroganti quid esset Deus Monas, & Decas illicò reponebant, veluti in enigmatè significantes, incircumscriptum perfectionum pelagum sub denario numero adumbratum in eum unicè confluere, cujus summa simplicitas sub numerica figurata unitate exhibebatur. Qua de re quis Divino factum consilio non dixerit, ut tu Princeps, ac Pater CLEMENTIS XI. nomen in tuum malles adoptare, cui cum Monas, & Decas adnectantur facillima datur conjectura deprehendere virtutum omnium multiplicitem, quas in decem mirati sumus divisas Clementibus in Te uno mira convenisse concordia, ut ex illis Mundo suspiciendus, Superisque similimus Princeps coalesceres. Cum itaque decem in Clementibus tanquam in nube Te suboscure simus intuiti, reliquum modò foret, ut in Te uno decem contempleremur CLEMENTES, sed cum severe nimis Tua nobiscum agat modestia, ut, licet tam ampla dicendi sese offerat seges, nihilo tamen minus cogat vel invitos sterile scire, & tacere; parebimus. Scilicet in hoc alii Te vincant; erravi, in hoc etiam alios excedes, ut illi laudari possint cum debeant, Tu nequeas, cum maximè merearis. Esto igitur summa CLEMENTIS XI. *Laus Clementem mirari nos posse, loqui de Clemente non posse.* Habes, ò Princeps, quod jubet orationis scilicet nostræ materiem, SILENTIUM.

Et sanè cum vires, atque dicendi artem materies exuperat, quem lateat eloquentissimam Oratoris linguam tunc esse, si taceat. Qua de re nullam institutam de Deo orationem censuerim, quæ propius argumentum attigerit, dignius pertractaverit, amplificaverit elegantius, quàm quæ habita olim à Simonide Philosopho, jussus nimirum à Rege Hyerone aliquid de Deo pro dignitate profari, advocato semper ad diem die, & extorta ad moram mora, nihil prolixum post temporis dispendium in Divinæ disquisitione naturæ assequutus est, quod verbis posset exponere, sed in novo ac geminato mentis conatu stupore tandem oppressus succubuit, & laudationis suæ venerabile compendium habuit obmutescendo. Divinitatis imagines esse atque vicariam ejusdem gerere potestatem Nemo, nisi qui desipiat, Romanos Pontifices inficiabitur: sed quantò propius Divinum ad exemplar CLEMENS noster accedat; hinc nosce: quod de illo aliquid dictu-

dīctūis nobis abſimile nobis orationis genus fuit opūs ſuſcipere, atque de CLEMENTE non aliter eloqui, quā Sapiens ille eloquutus de Deo. Poſtulabat jamdiū ab hac Domo (nec immeritò) & Roma, & Italia univerſa ſub initium auſpiciſſimi Principatus, ut tota in novi Principis plauſus eſſunderetur, tota in laudes abiret, faciemque omnibus ad CLEMENTIS Elogia præferret. Itane verò (undique inclamabatur) vel tenuiſſimum illud Academiæ veſtræ tributum, quod nulli ex Pontificibus, qui veſtros olim incoluere parietes, detractum eſt, iniquè adeò negabitur Principi, qui cum adhuc Purpuratos inter Patres tam frequens vos inviſebat, ut penè Hoſpes, & Incola videretur: qui ſeſe huic Aulæ grande ad ſtudia ac virtutes omnes incitamentum tam liberaliter commodabat: qui in Pontificem renunciatus cuſtodendum vobis reliquit Magnum illud totius Chriſtiani Orbis depoſitum, totidemque ſui vicarias, ſplendidasque imagines, quot conſanguineos? At nos diem ſemper ad diem, ad menſem poſtulavimus menſem, ac tandem argumenti magnitudine oppreſſis, opportuniore nulla de CLEMENTE pro dignitate dicendi ſeſe obtulit via, quā de CLEMENTE tacere. O promptum, nobile, ac neceſſarium perſugium, taciturnitas, cum in ſermone periclitaris, & à nimia dicendorum ubertate glorioſam induceris in pauperiem, ac deſperationem: novi in dies ſtimuli noſtris addebantur lateribus, callum ſtimulo obduximus; proponebatur ſæpiſſimè ab aliis idonea laudationi noſtræ materies, propoſitam ſemper rejecimus; obſtinato identidem ſuccenſebant ſilentio, noſtris oculis obſcipientes CLEMENTIS XI præconia ab aliorum ingeniis diuturno ſtudio ac labore conſecta: Illum non ſibi ſed toti Mundo natum regendo alius celebrabat; non hominum ſed Magiſtra Dei manu elaboratum nobis in Principem prædicabat alius; quot ſumoſa Familiæ decora, quot elatæ mentis amplitudinem, quot prudentiam è canitie ſuffragium non emendicantem nec expectantem, quot propè Divinam Indolis ſuavitatem exornandam ſuſceperant! Nec deſuere qui, ut illum licet laudari ſeveriſſimè renucentem, laudarent, proditoriam induti accuſatoris perſonam: damnarunt Imperii pacem, ſed non ſine maximo Chriſtiani Orbis diſpendio aſpernantem: qui fecere ſed laudabiliter ~~rosum~~, quia Principatu in communem Populorum non privatam ſui foelicitatem uti noſſet, ſed proprium mallet abuti in incommodum: qui in illum irrevocabili pronunciarunt ſuffragio eò quòd omnes etiam remotiſſimæ Terrarum Orbis Plagæ animo magis ac Religione à nobis diviſæ, quā loco CLEMENTIS beneficia ſentirent, & qui ipſi propiores, ſanguineque conjuncti ne minimum quidem commodum ex hoc fonte publicæ foelicitatis haurirent; ſed minù proximo Principe fruenter, quā illæ remoto. Hæc & plura vel audivimus, vel legimus, ſed omnia daninavimus B. P. ſcita in Tui laudatores oburgatione uſi, qua uſus olim Diogenes in Philoſophum multa de Deorum natura Populo venditantem: vah miſer, inquit, qui quod optimum eſt in Philoſopho totum corrumpis, videlicet Silentium: haud ſecus, pace dixerim veſtra, quod optimum, quod neceſſarium eſt in CLEMENTIS laudatore miſerrimè violatiſtis; de CLEMENTE videlicet nihil loqui. Iniqui tamen erga vos nimium eſſemus, ſi maximum quod à laudatione veſtra beneficium ſuſcepimus, vel à nobis non agnoſceretur, vel cognitum occulceretur, ex illius ſcilicet umbris, potius quā luce, in CLEMENTEM reſuſcitatum eſt cum obſcuritate tamen, & ſine diſtinctione dignoſcere, quis, & quantus ſit iſte Princeps: fecimus quemadmodum ſapientes Mathematici ſolent, qui

ut immensum, ac velocissimum planetarum Principis iter, effusamque per publicas mundi utilitates amplitudinem lucis aliqua ratione comprehendant, & distinguant exiguae cuspidis opacitate umbram sui proficientis utuntur, atque ita non nisi tenebris debent, quòd solem agnoscant. Quamquam consultius, ac laudabilius statuisse semper censuimus Ægyptiorum sapientissimos, qui cum immortales animos, & caduca omnia corpora radiis illustrata solaribus multiplici effingerent pigmento, & simulacro repræsentarent; ipsum tamen omnia illuminantem Solem, coloribus vel simulacro exprimendum ferverissimè venterunt, ne majestate tantæ lucis oppressum humanum ingenium luminum omnium Authorem obscuraret, potius inficeretque quàm referret. CLEMENTIS Animus tot virtutum luminibus efflorescens, beneficia CLEMENTIS longè, latèque per totum terrarum orbem disseminata, ita humanæ mentis oculos perstringunt, & obruunt, ut licet ista mirari, ac commendare possimus, consultius tamen sit, & sapientius factum de CLEMENTE tacere, ne indecorè loquamur, & obscuremus potius, quàm illustremus tot virtutum, & beneficiorum Authorem, nec minùs tacendo, quàm loquendo laudabitur, quemadmodum non minùs sacro silentio, quàm vocibus Divina celebratur Sapientia, Bonitas, ac Potentia. Auditis quid ad psalterii pulsuum Regius Fidicen moduletur? Volucres, inquit, Cœli, & Pisces Maris: ad quid excitantur tam disparis indolis animantia? Ad laudem Deo præstandam, & qua pollent lingua canendum, Domine, quàm admirabile est nomen tuum in universa terra! Quod quæ aerem alis metiuntur, franguntque canoro gutture, invitentur aviculæ; non est profectò mirandum: sed qui per immensas Oceani aquas muti gregis exercitus divagatur, & fluctuat; ad armonicum hunc concentum advocetur, difficillimum videtur mysterium involvere. Accedit quod ipsemet Vates non illarum, sed hujus visus est instituisse vestigiis, nonne Deo silebit anima mea stupore defixus dicebat? Scilicet vel aequè laudabile, vel sapientius est, cum Deo laus tribuenda, cum Piscibus obmutescere, quàm garrere cum avibus. Davidicam hanc imitari placuit taciturnitatem cum CLEMENTIS XI. nomen per universum terrarum orbem fuit celebrandum, ut periculum non dignè de CLEMENTE loquendi eluderemus. Prudentissimum amplexi sumus silentium, sed pace dixerim Tua, non quia jubebas ò Princeps, nam cum Tuus jam non sis, sed populorum; publici juris evadunt Tua gesta, Tuæque virtutes: sed quia periculosum nimis, & plenum opus alexæ de Te dignè, ac laudabiliter loqui. Nonne ergo CLEMENTI tacebit lingua nostra?

Abbas Lazarus Pallavicini Sem. Rom. Conv. & Rhetor Veteranus.

Qui Litterarios hujus anni in superioribus facultatibus labores publicè jam exhibitos

CLEMENTI XI. P. O. M. NUNC CONSECRANT.

Laurea Theologiæ, Philosophiæ, & utriusque Juris Pontificii, ac Cæsarei in Romano Archigymnasio donatus

ABBAS LAZARUS PALLAVICINUS.

Laurea utriusque Juris Pontificii, ac Cæsarei in Romano Archigymnasio donatus

MATTHEUS FRANZONI.

Laurea Theologicæ, ac Philosophiæ in Romano Collegio donati post emensum in eodem Collegio Theologicum quadriennium

ABBAS CORRADUS ORSINI

ABBAS ADRIANUS SERMATTEI

THOMAS PHILIPPUS AB ALSATIA Comes Bouffuvii S. R. I.

Princeps Cimacen. Cathedralis Eccl. Gandaven. Præpositus.

Quatuor Theologicæ Tractatus, De Beatitudine, Et Actibus Humanis, De Divina Gratia; De Sacrosancto Mysterio Incarnationis, Et De Sacramentis data omnibus argumentandi facultate propugnatis

JOANNES BAPTISTA SPINULA.

Duos Theologicæ Tractatus, De Divina Gratia, Et De Sacramentis data omnibus argumentandi facultate propugnatis

D. CAROLUS GESUALDI.

Universam Philosophiam data omnibus argumentandi facultate in Seminario Romano propugnarunt

CAROLUS COLLICOLA

COSIMUS IMPERIALI

DOMINICUS LUPI ejusdem Seminarii Alumnus.

Physicæ Conclusiones in Seminario Romano propugnarunt

STEPHANUS DE MARI

VICECOMES JUSTINIANI

ABBAS JULIUS VITELLESCHI.

Logicæ Conclusiones in Seminario Romano propugnarunt

ABBAS POMPEJUS AMADEI

CAROLUS IMPERIALI.

Theses Polemicas de Romano Pontifice in Seminario Romano propugnatis

THOMAS PHILIPPUS AB ALSATIA Comes Bouffovii S. R. I.

Princeps Cimacen. Cathedralis Eccl. Gandaven. Præpositus.

Ex utroque Jure Pontificio, ac Cæsareo Theses propugnatis in Seminario Romano data omnibus argumentandi facultate

D. JOACHIM DE MELO BAZAN.

Ex Jure Pontificio Theses propugnatis in Seminario Romano

ABBAS LAZARUS PALLAVICINUS.

Ex Jure Cæsareo Theses propugnatis in Seminario Romano

STEPHANUS DE MARI.

